

四庫全書

史部

欽定四庫全書

史部

福建通志卷四十六

詳校官監察御史陳化龍

檢討臣德生覆勘

總校官檢討臣何思鈞

校對官中書臣朱圻

謄錄監生臣汪煜

欽定四庫全書

福建通志卷四十六

人物四

漳州府

唐

陳珣

宇朝佩祖政父元光開漳為州刺史家於漳遂為漳州人珣善詞賦唐初舉明經及第授翰林院承

旨直學士疏乞歸養時州治初建俗尚固陋珣開書

院於松州引古義與士民講習元光死於寇詔以珣

代刺州事率武勇夜襲巢峒斬前刃父賊藍奉高首

俘其餘黨涖漳二十餘年剪除頑梗訓誨士民澤洽

化行天寶元年卒諡文英子鄴字有芑初授寧遠令
漳刺史父伯梁以貪暴失人心朝廷因與望以鄴嗣
刺史父老喜曰陳將軍孫來矣歷任二十九年民懷
之卒諡忠憲孫謨嗣職以平寇功加中郎將詠光州
司馬訐四
門博士

王彥昌

其先卿瑯人自東晉肅侯彬遷於閩居龍溪後
析龍溪分置漳浦遂為漳浦人唐末彥昌官檢
校司空時當寇亂能捍禦強暴
為鄉邦倚重子孫皆謹樸自守

宋

蔡元鼎

漳浦人五季衰亂不干仕進以文章自命宋初
屢徵不就講學大帽山生徒至者千人稱蒙齋

先生所著有中庸大學解語孟講義九
經解洪範會元及雜著詩文若干卷

蔡瑗

字希邁龍溪人嘉祐六年進士歷典五郡官至朝請大夫徽宗即位上封事言商三宗寅畏周文王

無逸為萬世龜鑑深見嘉納著有鵝城集古今名賢警句行世

劉衍

字成之龍溪人治平二年進士博學有器識初授英州推官呂大防辟衍與孔平仲王祖道三人赴

材識茂明科衍言時務諷及新法有司不敢錄以薦知潮陽值歲歉發帑傾貲運廣米以賑民得不饑後知新州以禦妖賊功加騎都尉秩滿詣京入見與王安石議青苗法不合安石折之曰汝等坐不讀書耳衍曰三皇五帝所讀何書安石默然遂致仕歸壽八十餘

李亨伯

字安止龍溪人治平二年進士以懷安尉擢知東莞縣時海寇出沒為民害亨伯率兵渡三洋

日夜行七百里抵香山賊皆就縛遷知梧州興學勸士內艱奪情哀乞終制章五上乃得請是秋甘露降

庭栢上張商英紀之名亭曰澤露起知澧州遷全州
經理西原諸蠻威名大著終忠州防禦使掛冠歸子

大方以
丈名世

黃彥臣

字叔燦龍溪人治平四年進士歷倅汀州有盜
獸守欲置之法彥臣疑其冤故緩焉後果獲真

盜尋守南創建寧俗苦丁錢請奏免生子多不舉令
保正月具報給錢贍之生七子四登第知名者願碩

穎預

李絳

字伯華龍溪人熙寧六年進士歷知建州值歲荒
捐糴賑濟左翼軍叛絳出撫諭之軍皆羅拜建賴

安以

吳與

字可權漳浦人元豐五年進士初為四會令改餘
干捐貲徙學宮於琵琶洲士人德之嘗與大吏抗

言爭論大吏厲聲曰而欲效漢唐令耶與曰固願學之恨不能耳衆為改容判潮州故人張天覺當國或諷之使見與曰平生與天覺語皆忠義今反欲逞身求進耶卒不住家藏書二萬卷所著文集有荔枝總

錄新紀錄

王梁材

字廷矜龍溪人元豐八年進士上書陳朝政乞減省後官及行幸不急之費神宗嘉納之尋除

夔州路轉運使以母老乞歸不允後歷遣廣東運判卒於官子元忠知高要以行經界有條理辟陽春令

吳桓

字孟文龍溪人元豐八年進士熙寧間陳三要三術規切時務官至朝散郎有文稿及古律詩百篇

傳世子南公上中興北廷錄二十事授弋陽尉不就

林彥質

字彬叔漳浦人崇寧五年進士歷官州縣有廉名時二蔡用事朝士多出其門彥質獨不肯阿

附遂寢中除之命遷兩浙舶使移廣右條舶司利病於朝秩滿歸里幅巾野服將終身焉

蕭韡

字棠仲龍溪人大觀三年進士調古田尉遷福清丞有誣平民習妖術者韡為之中雪保全甚衆知

南恩州遇蒞藜賊曰聞公德政願與更生韡招徠之郡無城郭苦海寇為害乃築城植刺竹以衛之創建學舍市田置書免秀民徭役教養不倦尋乞祠歸里卒

許光亨

字必達海澄人大觀三年進士為江寧令興學勸農提點湖南刑獄論平允改開封治中重

和元年因災變疏言清君德去宵小通言路人事得則天和可致出判相州御史陳瓘言不宜疎光亨以杜言路乃召為太子中允兼祭酒乞骸不許累擢門下侍郎奉祠歸

黃願

字修可彥臣子以父廕補官起家晉江尉遷知上杭清流二縣靖康初知楚州值京東震動有劉士

忠者肆為浮言願以便宜臬士忠首乃請罪於朝璽書嘉獎既而車駕巡幸觀城壁修固軍民晏輯除直徽猷閣尋加龍圖閣徙知揚州安撫淮南東路官至大中大夫弟碩預同登大觀三年進士碩建昌教授著周禮講義預歷監察御史以直言忤蔡京貶邠州宜祿縣頴崇寧五年廷試會彗星見同舍生凡言彗不為灾者皆前列頴獨指陳時政無少忌諱置第四甲抑殿內科後官至樞密院編修著有周禮解義左氏事類行世

鄭枬

海澄人政和初以武學生應募從軍鄜延路總管劉延慶檄赴大理河與西夏戰多斬獲補承信郎

賊平授汀州黃土寨巡檢捕獲王猪奴賊轉承節郎黃土寨兵黃勝等叛復以枬權巡檢勝素懾威名閉寨自焚死宣和七年金人入邊枬赴樞密院自陳乞發赴河北軍累立戰功轉修武郎靖康元年金逼都

城補四門都巡檢領兵赴援力戰死紹興
初劉光世為請於朝授其子綸承信郎

翁待舉

字至德詔安人政和二年進士紹興中知興化
軍五鼓即披衣起就燈下讀中庸一過乃出視

事或有干以私者曰某秉筆者奪如見神明在旁干
者吐舌而退嘗奏蠲本軍諸色錢及漁人所輸稅與
採浦草無名錢郡人
德之後知瓊州卒

高登

字彥先漳浦人少孤好學事母至孝靖康初為太
學生與陳東等上書乞斬蔡京童貫王黼梁師成

李邦彥朱勔六賊以謝天下會廷臣建和議奪种師
道李綱兵柄登與東再上書詣闕軍民不期而會者
數萬人帥臣王時雍欲盡藏之登與十人屹立不動
欽宗擢吳敏張邦昌為相敏白李邦彥無辜乞復用
登言陛下有太甲之不明而朝無阿衡靡明皇之有
初而相同林甫臣身微賤臣言繫宗社存亡未可忽

也疏五上皆不報因謀南歸聞邦昌與遠郡宵小相繼罷斥復為書論吳敏亦當賜罷又不報初金人至六館書生將遁去登獨與林邁等請隨駕金人退吳敏諷學官斥登還鄉紹興二年廷對盡言無所顧忌有司惡其直授下州文學有旨附第五甲授富川主簿憲臣董榮聞其名檄理賀州學事學故有田罷歸買馬司登請復舊守曰買馬養士孰急登曰養士急耳守不能奪命攝獄有囚殺人守欲奏免之曰陰德可為登曰陰德豈可有心為之殺人幸免如死者何抵囚於法秋滿士民餽錢五十萬白於守請勸登受登辭不可乃置於學買書以謝士民紹興八年赴政事堂審察上蔽主露國害民事上下各二篇高宗稱善下中書秦檜惡其譏已格之授古縣令古縣秦檜父舊治也檜生於此地帥胡舜陟謂登祠之登曰檜為相無狀曷以祠為既又命市熊掌牛乳登曰踐雪而搏猛獸將春而奪牛哺必不可舜陟怒移荔浦丞

登嘗除豪惡秦琥舜陟據其事誣以專殺下靜江獄
遣健卒捕登屬登毋死舟中葉葵水次將詣闕納官
贖罪或謂登能一見丞相終身事且無憂登曰某知
有君父而已既而中書奏納贖無故事仍送靜江獄
登歸葬半詣獄而舜陟先以事下獄死矣事白勅還
家至廣漕帥鄭南趙不棄舜攝歸善令委考試潮州
登摘經史要語命題策閩浙水災所由屬意時事郡
守季仲文馳達檜檜怒坐以舜陟所奏編管容州南
不棄亦坐鍋一官省符下漳州遣使臣謝大作持示
之登讀畢上馬大作曰少入告家人無害也登曰君
命敢稽大作愕然比夜巡檢領百卒挾兵刃至登曰
若賜死亦當拜勅乃就法大作感登忠義為泣下奮
劍叱巡檢曰汝欲何為省符在我手無他語也謫居
容州授徒自給聞朝廷政事缺失則慟哭隨之臨歿
所言皆天下大計後朱熹守漳奏乞褒
錄贈承務郎著有家論等篇及東溪集

顏師魯

字幾聖龍溪人紹興十二年進士歷知莆田福清二縣嘗開陂洩水利四十里歲稔發廩以賑

淳熙四年除江東提舉會天雨土日青無光師魯陸辭言今田里未安往獄未清政令未當忠邪未辨願詔中外極言得失改浙江常平使時役法敝甚乃飭屬邑正流水籍稽役序寬比限免代輸人咸便之除直祕閣疏論浙西圍築之弊語及權倖復奏民有怨田未受租者但當正其租賦不宜繩以盜種失重本意詔著為令遷監察御史有葛扶者自外府得內殿宣引將補御史師魯奏言葛扶朋邪朝廷雖乏才寧少此輩臣不才羞與為伍命乃寢繼論帥藩除職皆好進之徒交結近倖故昔以才稱後以貪敗孝宗稱其知無不言未幾除太府少卿改國子祭酒權禮部侍郎兼吏部高宗升遐差充遺留禮信使至金金人令簪花聽樂不從據經陳義反覆慷慨還遷吏部侍郎除尚書兼侍講以龍圖直學士知泉州泉州船貨

欽定四庫全書

卷四十六

所通官吏搜稅無虛日師魯至首戢之永春上供銀例預借於民安溪職官田及逃亡產稅皆責民補輸師魯悉為停免進煥章閣學士累乞致仕以寶文閣學士提舉王隆萬壽宮卒年七十五贈宣奉大夫諡

定肅子徹字子

通官奉議郎

楊汝南

字彥侯龍溪人紹興十五年進士歷廣州教授嘗據詩春秋中庸要旨經說三十篇以授學者

表進於朝祭酒楊椿覽之曰真師範也改知古田縣修學舍置學田諸生質疑問難亶亶不倦以亶平公勤自勵扁其堂曰不欺號快然居士孫承祖以廕補官歷知新州有清亶聲

許登

字希進光亨孫紹興十八年進士調長汀尉轉增令洞黎時出剽掠上官議欲殲之登曰黎亦吾

民也遂單騎往諭皆讐伏後知興國州民多游惰教之力作復置鄉塾課其秀者風俗以變秩滿乞歸

陳景肅

字和仲漳浦人師事高登有學行紹興二十一年進士授仙遊令誅宿盜藍飛仙等提舉湖南

除知南恩州入知制誥秦檜方用事不拜出知台湖等州檜死復知制誥南恩州叛服不常景肅持節往諭嶺南遂平卒贈光祿大夫資政殿大學士諡廉獻所著有石屏擷翠集若干卷

鄭公顯

字隱之龍溪人乾道二年進士調富沙戶曹秩滿入朝獻時事十論厯宗正簿應詔疏言大臣

宜陳大政而毋披細故直書事實而毋尚繁文至親覽審擇則在獨斷官至朝奉大夫龍溪縣開國男有文集十卷及語錄傳世弟公敏乾道五年進士調福清簿改古田教官日與諸生講明理學者有文集五卷

林宗臣

字實夫龍溪人乾道二年進士受業高登之門官主簿與參政汪徹友善貽書罷本州鬻鹽禁

嘗謂陳淳曰予所習者科舉之丈耳聖賢大業則不在是以朱熹近思錄授之淳後為儒宗

顏敏德

字克和海澄人乾道五年進士知循州除邑筦安撫使邑有峒寇為害敏德馭以威信寇不敢

犯官至朝奉大夫子殘以廕補官平黎蠻有功改京秩除瓊管安撫奏變差役為催役士民懷之立祠以祀

陳衡

字秀平龍溪人乾道八年進士調高要尉以擒海寇功累遷知廉州陞辭奏差役之弊改宜州力請

乞祠去慶元初召至京著十論以裨廟議除知興化軍有檄權貴書求館客者衡曰寧以身受謗不以官增徭備荒郡人祀之

王遇

字子合龍溪人少受業於張栻呂祖謙之門與廖德明陳淳友善黃幹稱其學識之精義利之明拔

出流俗之表登乾道八年進士歷蘄州教授與諸生
講說論孟經史夜漏二十刻不休轉懷安丞闕帥詹
體仁鄭僑延置幕府丞相趙汝愚將擢用之而偽學
禍起後以薦知長樂縣擢節浮費大修水利轉贛州
通判時韓侂胄當國屢欲邀之遇不少貶守毗陵歲
早講求荒政民被實惠及提舉浙東常平朝議欲行
計竈買鹽之法遇力爭之入對請齋戒以飭躬剛大
以進德急聞直言以救闕失樂從公議以扶正道斷
絕斜封墨勅之原常存視民如傷之念遷戶部郎中
嘉定四年校策殿廬事畢而卒著有論孟講義及兩
漢博義學者稱東湖先生

子仲訥以廕官羅源令

孫昭先

字延父龍溪人淳熙二年進士嘉泰初以薦入
班輪對疏謹名器嚴法度等事寧宗嘉之除司

農寺簿時大農告匱朝旨令戶部推究弊源昭先條
具催督綱運拘榷糴本借支耗折諸弊會都城火詔

陳闕失上疏言五事遷寺丞出知衢州歲歉為民輸折帛二稅發廩勸分隨地賑糶歷浙東提刑每牘至前必反覆推究行部資糧靡屨悉自齎辦踰年劾去奸昏屬吏二十餘人嘉定中除吏部郎入對陳朝綱國用士氣民病四事除樞密院檢詳文字歲旱應詔上封事言沿邊流離病在無以自贍內地楮券病在不能通行諸道刑獄病在奏報之稽遲改送之紛擾州縣賦稅病在催科之峻急征權之煩密條陳甚悉遷太府少卿除直寶謨閣提點江東刑獄轉朝議大夫尋乞致仕著有奏議詩文若干卷

黃樵仲

字道夫彥臣曾孫淳熙五年與弟杰同登進士調汀州錄參朱熹守漳禮請入學及聽其講小

學稱善所著有禮記解小學口義行世弟樵字實夫淳熙十四年進士調南劍教官以楊時陳瓘勉勵諸生官終宣教郎有詩解中庸語並解行世

黃杞

字景華彦臣曾孫以世廕補登仕郎歷知平陽有盜鼎者自言折肱杞洋謂非辜即以鼎予之頂之

而去杞曰此折肱者耶遂坐罪累遷知肇慶府以薦將內除力求便郡除知潮州尋奉祠朱熹守漳時雅

重之官至
朝請大夫

黃朴

字文卿彥臣曾孫以世賞補懷集尉攝邑事虔寇犯連賀二州官吏失色朴率鄉兵禦之賊退調陽

江尉尚書胡銓自海上召還取道陽江聞朴名曰當備為薦首海寇劉承興犯高雷化三州且掠及南恩朴率客兵船十餘艘出敵賊聞風宵遁改安溪令京尹陳輝出師五羊處朴於幕下秩滿倅邵武又倅福

州兼西外宗
正丞乞祠歸

余詰

字若蒙龍溪人淳熙十一年進士任惠潯二州教授進皇朝職志高宗政範差監樞密院敷賞庫嘗

伏闕上書論韓侂冑罪狀又上書論邊事力沮和議之非復進古鑑錄資時十論天門類例括象志等書改通直郎主管獄祠所著有周禮解禹貢攷春秋地例增釋紀年錄雜編五音姓譜各若干卷

許伯鸞

字廷微龍溪人淳熙十四年進士知江州歲饑發倉賑濟僚佐請待報可伯鸞曰寧誕於君無

殍吾民全活者數千人以母老致仕民爭攀輿留之弟伯鳳紹定二年特奏名歷御史臺主簿以鯁直稱

趙師楷

字清之宋宗室父伯壽任漳州幕遂為漳人紹熙四年進士授浙漕幹官有誣屬令者漕使欲

劾之師楷曰若憑單詞得無冤乎訪之果誣改知湘潭以薦召對論邊防及募兵事寧宗嘉納之除守撫

州改廣東市舶司再被召首陳正心之說累官直寶章閣出帥廣東卒於官

楊仕訓

字尹叔詔安人朱熹守漳延置賓賢齋稱其學已知名慶元二年登進士由古田尉調海陽丞

民有訟者以禮義曉譬多釋爭而去遷永福令推誠待物留意學校湖廣總領請於朝願得廉靜吏董軍餉遂差監鄂州糧料院荆襄兩路軍儲皆屬焉尋卒黃幹為銘其墓弟仕謹嘉定十三年進士任博羅尉

趙善封

字德可宋宗室居龍溪慶元二年進士宰寧德縣課農桑崇學校擢守容州定差役戢盜賊加

意撫字廣右帥以善封有風力檄率藤梧等六郡兵討賊賊聞風解散大帥楊長孺贈詩有清如玉壺氷淡若朱絃瑟之句

陳淳

字安卿龍溪人朱熹守漳淳以所為自警詩為贊熹讀之恨相見晚與之語知其用功久且深以土

達之理發之熹去郡每語人曰南來吾道以得一安卿為喜後十年淳復往謁熹有喟然與點之歎又告之曰當大作下學之功無獨任上達之見淳歸無書不讀無物不格凡經書子史所載紀綱法度禮樂刑

政興衰治亂之原利害得失之機與夫異端邪說似是之非淺深疎密難明之辨周匝體究徹上徹下嘉定丁丑以特試寓中都四方士皆來請質朝士大夫爭館迎焉嚴州守鄭之悌聞其至延入學宮講道時有竊似亂真自立門庭者以格致為支離教人默坐求心謂一蹴可至後生晚出喜奇便簡羣然從之淳乃發明正學以求指歸著道學體統師友淵源用功節目讀書次序四篇排觝異端中其膏肓則有似道似學二辨淳家故貧事母孝身雖未用而憂時論事感慨動人道至晚而益尊冒中瑩徹若太空無雲辨說除暢浩乎水湧山出推已及人之心甚於饑渴嗜慾不能自遏嘉定十六年以特奏恩授安溪縣簿未任而卒學者稱為北溪先生所著有大學中庸論孟子義仁義禮智心意性情字義詳訂詩禮女學等書仙溪陳訢往來淳門久輯一時問答之言為筠谷所聞二卷

孫叔謹

字信之昭先子嘉定初以郊恩補官歷大理評事輪對言羊蝗為虐所在荒亂乞以賑卹實政

貢長吏以備禦實功課守帥十年登進士知莆田縣憲使劉永祖露章薦之遷大理寺丞陞對乞修明君德振舉治綱謹好惡於出令審輕重於用權又言長民之吏培克獎多總戎之官畏縮風熾請選監司太守精擇制閭主將理宗嘉納之遷大理正復進正心持久二說丐外知潮州訟牒日數百剖決如流州兵惰弱申嚴校閱常休外悉捐為修學費出羨餘二萬餘緡為三邑代輸下戶鹽役邦人像祀之

胡志夫

龍溪人嘉定十七年辟承受節郎江東安撫使司將領使金不屈死之諡忠惠

顏振仲

字景玉師魯孫以祖任補登仕郎宰安溪時尉執平民為盜振仲知其傭作有主釋之郡守游

九功褒其事倅莆陽攝郡事飛雄軍被調資糧不足誅於市振仲出撫諭之自以倅廳所積錢給軍軍皆

感悅羅拜官
至朝散郎

顏耆仲

字景英師魯孫初鎮福州海口鎮有書院闕廩耆仲置莊田製祭服厯倅臨安府登寶慶二年

進士除知江陰軍入為吏部郎以直秘閣提舉淮東
陸辭論君子小人之異厯太府少卿力丐祠提舉武
夷山冲祐觀生平雅愛士類置平湖桂莊以歲入錢
贖計偕士官至中奉大夫爵龍溪縣開國男端平間
朝廷登用正人以二顏兄弟為首子鎮
韶州司法掄監惠州鹽場銖通仕郎

顏頤仲

字景正師魯孫以祖澤補官厯知嚴州時錢楮
中半之令初行頤仲力爭不可朝廷不能奪還

兩浙轉運判官值禁旅饑諱語聞輦轂下頤仲撫定
之除戶部郎知臨安府浙西安撫卒諱語如前頤仲
曰葉撫諭從權弭變耳今事定宜討有罪以尊國體
密諭主帥察其倡首者誅之進持作監兼府事輪對

言兵驕措賤皆由寬而不嚴所以致玩散而不斂所以積輕理宗稱善嘉熙初除廣西轉運判官奏罷瓊崖僭萬四川鹽本錢并蠲免二十五州身丁錢三年召赴行在奏弭天變疏淳祐初除知泉州七年除寶章閣待制歲饑設法賑濟復奏發常平二萬餘石半濟半糴全活甚衆後以吏部尚書寶章閣學士提舉玉隆萬壽宮請老景定二年卒

顏公衮

字鼎卿海澄人紹定間以廕補授興寧令時強寇陳三鎗羅動天逼境公衮與主簿徐千能赴

賊營諭以禍福賊怒公衮厲聲叱之遂遇害邑人哀而祠之詔贈朝奉郎官其子貢貢紹定二年特奏名

陳寤立

名植以字行淳子淳祐四年進士提督嶺南海路兵馬時帝昺浮海寤立提領海舟見事危斷

維出港自以六舟泊梅嶺收亡命馳檄諸蠻圍立宋後開張世傑覆舟遂變姓名匿九侯山臨終令葬海

濱曰吾死猶可南望厓山也弟格為海濱監簿帝昺亡從容就死縶立飲袍笏招其魂葬於浙山書院

蔡振先

字德揚漳浦人宋末授鳳州總管為元兵所執說降不可臨以刃不屈遂遇害

元

林廣發

字明卿龍溪人規言矩行郡學三聘為諸生師以部使者薦授安溪學職邑僚師事之會寇作

奉檄招降以勞授主簿每俘至委訊輒曰此平民也府帥問曷辨曰獲於巢穴者賊捕於井里者民此皆自井里得之福建分省請置汀漳屯田萬戶府以廣發為經歷屢有差違不得理府事兵民請諸分省曰願還林君活我邊人

著有三溪集傳世

陳君用

龍溪人景肅裔孫至元中劇賊李志甫黃二使聚亂萬戶張鄂幹守將綽斯戡與戰不利君用

率從子進卿等設伏烏泥洞殺志甫擒二使授本路
總管同知後北洋海賊入境君用募弓手乘潮進戰
擒賊將降其餘黨又破汀漳閩君用董師望風降附朝議
嶺潮賊夏山虎遁汀漳閩君用董師望風降附朝議
以屢建大功勅開屯南詔守汀漳正萬
戶宣武將軍進階南勝伯卒諡忠潔

明

林弼

字元凱龍溪人至正中進士洪武二年太祖遣使

三徵之與宋濂王禕曾魯等修元史授吏部考功
主事使安南以金珠贖弗受旋知豐城吏有作奸者
弼置之法遂誣以受餽金一鎰逮獄太祖識其名曰
此却安南金者肯受餽物耶遂得免適安南內亂朝
廷復命弼往還報擢禮部郎中轉吏部出知登州有
惠政卒於官弼博洽羣書善書工詩文晚益究心
洛關閩之學所著有梅雪齋文集使安南集詩經解

義宋儒會解行世弟虞臣
國子助教孫僑東莞訓導

劉宗道

名駟以字行龍溪人洪武壬戌徵秀才八十餘
人入試宗道第一又命學士詹徽舉德行特異

者復居首拜都察院左都御史上格君心澤民物二
十事並見嘉納自是每侍食華蓋殿商榷大政多所
譏切為邵質董希賢所構徙南詔尋賞還宗道明程
氏學好修家禮鄉人稱愛禮先生有愛禮集十卷

陳汶輝

字耿光詔安人洪武間以經明行修應詔條陳
十事授禮科給事中按視蕪州還奏吳松貨食

征稅皆承元末弊政乞盡更刷復疏言縉紳縉流雜
居同事熟舊者德思欲去位如劉基徐達之見疑李
善長周德興之被謗殊失恩禮舊臣之道請自腹心
以至喉舌之司皆處以德行文章之彥則天下之賢
可收天下之治可成疏入補大理寺丞奉詔恤刑山
東浙江轉本寺少卿李善長之獄汶輝嘗力爭之及

善長死太祖乃思汶輝語遣內臣召入賜宴賞賚頃之帝欲罪山東憲使張某汶輝力言其賢封還御旨太祖怒遣御前指揮押赴刑部過金水橋賦詩一章自投橋下死時年九十餘太祖尋悔乃自製文諭祭賜奠鳳凰山著有南皋集若干卷

周宗起

漳浦人洪武乙丑進士任寺丞靖難兵入父子俱投琴川死

李貞

南靖人永樂乙未廷對第三人授翰林院編修奉旨與諸儒臣編輯四書五經性理大全後以不肯

預修佛書貶高州府教授卒

唐泰

字師廊長泰人通五經尤達於易永樂乙未進士知祁州以文學辟召御試文淵閣賦麒麟頌明倫

論野渡舟橫歌稱旨欲大用之乞歸侍養四方受業者日衆布衣陳真晟侍郎謝璉修撰林震考功陳璽

皆出其門著有思誠齋銘學者稱為東里先生

陳真晟

字晦德改字刺夫鎮海衛人弱冠即能自拔於俗嘗應省試聞防察過嚴乃不復以科舉為事

務求聖賢踐履之學初讀大學或問見朱子博採主敬諸說知敬乃大學之基又見程子以主一釋敬以無適釋一乃實下工夫推尋此心之動靜而務主於一嘗語人曰大學誠意章為鐵門闕難過主一二字乃玉鑰匙也天順三年詣闕上程朱正學纂要不報已而家居讀頌行勅諭教條喜曰此學校正教也然學校雖崇正教而科舉不定正考雖有正教不行因採勅諭中要語叅以程氏學制呂氏鄉約朱氏貢舉私議作正教正考會通定考德為六等考文為三等各有條例可據而行聞臨川吳與弼名欲往質之道經江右太史張元禎止真晟宿叩其學大加稱許曰斯道自程朱以來惟先生得其真如聘君者不可見

亦不必見也遂歸自真晟與莆人李文舉諸前輩行
朱子家禮而風俗始正晚居漳之玉洲卒年六十四
郡守彭恒立石道旁以表之真晟初以布衣詣
闕學者稱布衣先生著有布衣藏稿若干卷

謝璉

字重器龍溪人宣德丁未廷對第三人嘗從謁長
陵賜對還問閭閻利弊甚悉會災異陳言請出宮人

赦無辜除璉坐法還侍講正統十四年復言治安策
十五事中言王振不可用于譙胡濙王文可托而龍
巖築縣城及建守禦千戶所皆出璉議歷陞南京戶
部右侍郎署部事璉奸剝盡創便宜六事為經久之
規大同告警詔兼掌兵部務景泰四年卒於
官賜奠祭著有奏箋百餘卷及玉堂藏集

陳疊

字尚勉漳浦人正統丙辰進士授戶部主事遷吏
部考功郎郎中時瓦剌犯邊守臣失計疊作備邊禦

戎策以獻天順四年廣東盜熾除廣東左右布政召入
內殿賜宴遣之既至密相機宜撫捕互用討平新興

撫定德慶蓬州等峒搖賊以疾致仕家居十二年所著有梅庵藏稿經集要覽

黃嵩

字中立龍溪人正統己未以貢授廣東都司經歷嘗三上章乞除樊政皆見採行景泰中陞平樂知

府以德化撫綏猺獞恭城寇叛申戰守備賊聞解去復徧歷諸寨峒勸諭悉降之秩滿民乞留復任三年

致仕歸攀轅遮泣如失所恃卒年八十一

周宣

字正舉龍溪人正統乙丑會試第三人授戶部主事時車駕北征放支芻葉給軍甚急宣至草場鑿

數門同時放支出知潮州修丈廟葺韓江橋築海堤擒殺海寇黃于一山賊羅列寧等撫其衆歸被擄男婦數萬人賊平改惠州潮民丐留不得亡何海寇復起圍潮城殺通判指揮引堤水滄民廬舍當道從民情徵宣入境約日招降至期渠魁駕船數百艘舣輪而至宣諭之賊皆投戈羅拜遂單騎詣堂徧歷二

十四村見賊尚圍營結寨知其心懷猶豫乃告當道曰賊疑矣羣心不協可殲也鼓而殲之潮地悉平陞行太僕寺卿丁母憂卒於家著有易齋稿若干卷

歐輝

字貞明長泰人正統戊辰進士累遷廣東僉事時有強寇依山剽掠十餘年下詔捕治盜陰遣輝金

佯受之密發兵迅捕賊不為備擒其衆帥乃上所遺金還賞之不受陞湖廣副使

潘榮

字尊用龍溪人正統戊辰進士景泰間授吏科給事中時有詔凡章奏毋得犯忌諱榮疏請廣開言

路不宜批摘刺謬俾天下謂朝廷諱言學士倪謙以丁憂謀起復榮言經筵風教所關不宜逗遛京師以圖僥倖聞者快之天順六年奉使冊封琉球至則宣布朝廷威德王以下皆踈息聽命陪臣請為中山八景紀援筆立就還朝擢本科都給事中累遷都察院右副都御史總督南京糧儲入為戶部左侍郎奏免

兩浙償補鹽課會久旱漕河淤涸奉命督治運舟畢至晉南京戶部尚書所頒教令皆以節財卹民為務以老疾乞歸卒年七十

八贈太子少保賜祭葬

戴耀

龍溪人景泰庚午舉人授鳳陽府同知招撫逃移四千戶賑濟饑民八萬口陞知府致仕

張寬

字宏周平和人景泰辛未進士為御史直言敢諫天順初以劾石亨忤旨下獄值天變得釋知安定

縣禦寇有功卒於官寬力學好義嘗捐穀作南山陂千餘丈割地為圳萬餘丈以興水利鄉人德之

葉穆

字式文漳浦人景泰癸酉應天舉人授知汾州執法不撓以論事忤當道改調吉州興學校賑饑民

流亡就食者千餘家以最陞河間府同知秩滿致仕家居茹蔬衣敝不事干謁邑長時就質政治焉

楊奎

字受調長泰人景泰甲戌進士授監察御史巡按山東浙江劾閣尹擾民及時宰橫暴不法狀直聲

大震以母憂歸里卒

林雍

字萬容龍溪人景泰甲戌進士授行人以母老乞養歸成化初上疏勸修德格天親賢講學請進周

惇頤程顥程頤朱熹於顏魯思孟之後列為八配又請以陳淳從祀兩廡皆不報還駕部郎中乞歸結廬龍山與其徒講明正學以朱熹為宗修藍田呂氏鄉約與鄉人相規勸累徵不起年七十五卒陳真晟稱雍學始終本末有序有要學者尊之曰蒙庵先生

郭舒

字瑞莊龍溪人景泰甲戌進士授行人使蜀諭祭王贈以金帛不受繼使廣東布政使張瑄餽藥五

十九歸剖見金亟遣齎還又奉命邠州督茶州守餽金千兩曰此故事公無疑也舒曰故事請自我草還南戶部員外督蘆州課請乞皆不行出守池州興學勸農省刑息訟以忤直指乞歸

施惠

字師倚龍溪人景泰間以貢任武強縣有劇賊將入境惠單車至望諭以大義賊解去戚里奪民田

三百餘頃奏還之以忤當道歸家貧授徒自給

吳森

字以時漳浦人天順丁丑進士初授禮部主事歷遷浙江叅政定紹興等郡徭役貧富適均江山寇

負險弄兵森至設法捕之民賴以安

陳爵

字良貴南靖人天順丁丑進士知揭陽縣嶺南山海寇並起賊酋魏崇輝羅劉寧等各據要害爵親

詣賊舸諭之不從乃下令撤民廬舍以材木圍匝於外築城濬池為守備計未幾海寇大至爵躬擐甲肯冒矢石為士卒先賊知不可犯乃引去尋詔闕藩督軍來討爵率民兵以應賊酋相繼授首事聞擢知韶州改高州卒揭陽民立祠祀之

林同

字進卿龍溪人天順庚辰進士歷戶部郎中撮錢穀樞要作指南錄遷江西左叅議弘治庚戌永福

賊起同偕總兵官禦之賊平擢浙江左叅政革起運兌軍倍債耗米之弊轉廣東左布政使條示利病二十餘事下郡縣勸民行呂氏鄉約朱子家禮巡按王哲奏為廉能第一年七十二卒

吳原

字道本漳浦人天順甲申進士成化初授兵科給事中首陳正心任賢重爵賞節用度斥異端五事

時萬貴妃顯寵前星未曜原偕同官上疏乞溥恩惠以廣嗣續語極剴切歷都給事中汪直用事置西廠伺察中外原言非祖宗舊制請革之會安南窺滇極言守臣貪恣誤國及大臣諂附西廠者為所中久之始遷太僕寺卿擢戶部右侍郎總督京儲親藩旗尉領祿米至縛官吏自支放原嚴加禁治弘治五年兩浙大水民饑奉勅往視勸分平糶宣示德意奏蠲積逋數百萬防寇盜抑豪強築海堤塞礦穴嚴生女不

舉之禁尋致仕卒著有南
行稿浙巡錄奏議若干卷

陳宏

字玉道海澄人天順甲申進士授監察御史成化
間彗掃台逼斗詔求直言宏奏言大學士商輅當

景泰時不能保護儲位都御史程信剛愎尚書姚夔
躡貨並宜賜罷遷湖廣按察司僉事沅江豪民爭貨
產聚衆持兵鼓譟宏按首惡置之法荊州巨賊封敬
中聚洞庭剽掠殺官軍宏出奇捕獲殲其餘黨以功
遷副使丁母憂卒於家

沈源

字澄之海澄人天順甲申進士授南御史疏薦編
修章懋為理學名臣劾郎中陳雲不法事又因天

變疏修德弭災十事皆切時政巡視上江留都諸勲
貴怙寵恣行源點視團操繩以三尺諸勲貴不能堪
遂為所中坐貶盧氏令臺省交章論救不報至盧興
學均徭節費清訟政教大行當貶時臨行自詠詩云

明月滿船無恙，故清風一擔。
有圖書恬澹簡遠，可概見也。

魏富

字仲禮，龍溪人。成化丙戌進士，授監察御史。按廣東林蠻洞，蠻為屬富，廉不法吏若干人，置於理。蠻

蠻皆隸編戶，遷浙江按察司副使，重舞文告訐之禁。有縣令為豪猾所誣，同官莫敢白。富直而釋之，修蕭山諸暨石塘堤，以捍田。發粟賑嘉湖寧台饑，存活六萬餘人。陞江西按察使。晉右僉都御史，整飭薊州等處邊備，巡撫順天畿內，中貴將領多操利，匿亡互相倚援。富部分將領授以成算，無敢犯者。正德初，擢刑部右侍郎，乞致仕，卒。賜祭葬。

陳惠

字啓順，龍溪人。成化丙戌進士，授監察御史。同官楊智以劾吏部交通中官事得罪，惠具疏救免。擢

知廣信府。巡行屬邑，齎糧而往，不以煩民。舉右族公正者士十六人，優禮之。與謀郡政，部使者至，知其能。

惠以得人告益賢之三年卒於官
殯殮無資十六人者為治喪歸

吳瓌

字仲偉平和人成化己丑進士授南駕部員外郎
部檄催督應天等郡貽贖種馬瓌奏蠲其不能贖

者轉庫部郎中推貴州叅議以平寇功遷雲南叅政
整理鹽法宿弊一清陞右布政使以丁外艱歸卒於
家

陳昂

字欽顥南靖人成化辛卯領應天鄉薦授太常簿
明飭禮樂考究律呂時官庭慶賀雜用優伶昂進

奏云聖誕之辰當備百順以事至尊而養其中和奈
何用雜劇乞依孔聖誅侏儒例勒下司馬帝嘉之累

遷太僕寺少卿
著有法苑遺論

黃榮

字敦實龍溪人成化壬辰進士除御史條陳官民
利病十餘事出按長蘆釐輟政宿弊汰墨吏犯法

者風采肅然再按雲貴擢四川副使以母老乞歸母歿哀毀有羣鳥繞屋之祥曾孫泮嘉靖癸丑進士擢

御史歷太平知府

戴昀

字正中長泰人事父以孝聞領成化甲午鄉薦令樂清政令廉平禁溺女之俗築陂灌田民歌舞之

名為樂昀陂以侃直棄官歸

蔡烈

字文繼龍溪人嘗從蔡清學授太極圖解又受學於陳茂烈語以心體流行於日用間要常見得衆

前倚衡氣象方好烈大省悟退居於鶴鳴山之白雲洞其學一宗程朱以窮理力行為實主敬為要嘗遊武夷山居考亭精舍數月而歸曰腳根自此定矣著有孝經定本道南錄諸儒正論大儒粹言朱子晚年定論讀書錄若干卷學者稱鶴峰先生

蘇鏹

字仲勘龍溪人成化戊戌進士授河南崇府右長史汝寧荒鏹啓王減免莊田祿米以惠民盡心輔

導王愛重之正德改元進秩

亞中大夫著有浴心遺稿

徐弼

字良佐漳浦人成化庚子舉人初知海陽修復陷潮大堤以興水利尋改保昌請蠲無徵米千餘石

民免賠累以不能諂附逆瑾勒令致仕

瑾敗起判漢陽民有江水江月之謠

張壇

龍溪人成化丁酉舉人授廣德州學正時州守以事繫獄有偽捧檄來代者壇謀於州佐縛之以異

績擢判青州遷大理府同知麗州寇叛數年壇至單車宣德意寇遂納款陞刑部員外郎奔父喪歸卒

林塤

字廷樂漳浦人成化間以貢授寧府審理據理守正為寧康王所知繼事宸濠塤察其有異志屢諫

不聽乞歸怒杖之具狀奏聞進階長史致仕

歸後宸濠叛同官俱罹於禍人服其先見

戴琇

漳浦人成化間以貢選松江通判土風親死有水

火葬者琇教以禮葬理俗惑於浮屠不吝施捨至徵輸則多逋負琇撒淫祠十餘所清僧道偽牒百餘人令民急於公賦又以漳州晒鹽法教民鹽課以登

尋卒於官

李增

龍溪人弘治間以貢知樂昌邑東西山徭寇嘯聚流毒三省增訓兵緝捕所向皆克流賊千餘人攻

圍邑城增開門延敵斬獲甚衆三省會征湖兵執黃圃民誣為賊累係甚衆增請兵憲王大用至營數而

釋之民立祠以祀

洪異

字大同龍溪人弘治乙卯舉人授通州學正擢知崇德縣擒江淮劇盜開天長河通江潮數十里旣

田萬餘頃擢監察御史巡按兩廣以平寇功厯廣西叅議年七十致仕歸

林魁

字廷元龍溪人弘治壬戌進士歷戶部郎中時永壽伯朱德見幸帝欲廢太平倉賜之魁請尚書率

閩部力諫西僧大乘法王奪民田百頃魁疏其不法旋出知鎮江府擢山西提學副使調雲南兵備撫鐵索箐諸酋有功陞廣東叅政致仕所著有白石野稿歸田錄

戴時宗

字宗道昀子正德甲戌進士授刑部主事有縱騎殺人時宗執法不假借遷吏部武宗南巡疏

諫忤旨廷杖罰跪三日歷考功文選郎中塞倖門清選法杜請託拔幽滯時南都兵部尚書缺時議欲用王瓊時宗獨不署奏陞大理少卿世宗嗣位皇嗣未生行人薛侃奏召藩王入侍詔下法司廷鞫張孚敬欲株連不附已者時宗言侃狂瞽不足罪且羅織非上意直聲大振晉右僉都御史會邊警告急時旨改提督薊州軍務星馳赴鎮事平奏草黃花鎮鎮守內臣未幾罷歸臺臣交薦起撫鄖襄值旱蝗相繼大發

倉庾賑之全活二十餘萬人增築鄖陽鎮城以平竹溪金川盜功賜金幣轉左僉都御史被誣回籍卒時宗詩文廊達清遠成一
家言著有朽庵存稿

王瑩之

名瓊以字行長秦人嘉靖戊子舉人判辰州署府事朝議以辰地分封宗藩瑩之力陳非便調

雷州築海岸捍民田萬頃厯知全州遷金華郡丞轉後軍都督府經歷致仕子惟恕嘉靖丁未進士厯官

廣西左
叅政

李能香

字英實平和人嘉靖間以歲貢授雷州通判時劇賊劉同寇雷州當道廉其能檄禦之能香直

搗其穴捕獲無算所得輜重籍獻之官毫無所私

王會

字延亨漳浦人嘉靖甲午領應天鄉薦厯國子監學錄擢知道州罷里正供具寬逋負賑饑民招撫

欽定四庫全書

福建通志
卷四十六

五十二

叛獠悉歸編戶三廣大征兵使者遲避兵者八十一人指為盜會察其寃上牘言狀得釋時急捕逸賊龔廷虎等兵使者欲斬降獠鄭虎僑等五人以當會謝不能具牒求去遷曲靖府同知以親老乞休著述自娛有北雍春陵滇中歸田諸葉夢齋筆談若干卷

柯應鳳

字文徵龍溪人嘉靖癸卯舉人以教諭遷知洪縣郡有陳萬兒寃獄應鳳與郡貳力爭之曰是

獄也明府不過襲他縣誤非有成心心地尚渾含也若下縣灼見其情從明府依違文致不惟成明府無心之過而下縣心地已死矣卒白其寃調知會同邑多盜應鳳召鄉三老列紙筆令書盜主名衆所共指者逮置之法境內肅然郡人海瑞見應鳳治行與為莫逆交厯判惠州單騎入劇寇李文標巢撫諭之皆涕泣解散拱及會同俱祀之名宦

謝彬

字文華海澄人嘉靖甲辰進士為南戶部郎嘗作度支志推本國家百八十年贏縮之故著之於書

出知廣州決滯獄擢山東按察副使曹濮地當四省之衝盜賊盤糾設法懸賞布伏諸盜就擒東土以安

尋罷歸郡守羅青霄延修漳志叙事
詳核實過其文著有愛吾堂摘稿

盧岐嶷

字希猷長泰人博學多聞與汪道昆以古文詞相砥嘉靖甲辰成進士授歸安令邑當賦重役

繁之區岐嶷節約均勻以資產高下相配隸入為戶部郎飭戎政條平倭三策坐糾舉吏不法自劾失察出為廣信府同知廣東叛卒八百人自福建道鉛山聲言掠永豐岐嶷召抗卒千人為中軍扼其來路逕丁壯三千分兩翼夾攻之遂敗賊於南昌遷江西按察僉事分司九江嶺南寇盜屠戮湖東西囚殺憲臣巡撫檄岐嶷攝湖西巡守屯兵袁州岐嶷趨臨江出牛酒犒守江卒整舟艇備火器藥弩賊至發擊連奪

欽定四庫全書

福建通志
卷四十六

賊旗殺傷二百餘人賊潰去泰和縣謀報廣寇震天雷沿途殺巡尉守將岐嶷勒兵趨泰和下新塗邀擊生擒百餘人斬馘殆盡頃之廣寇數千屯陽湖特攻豐城進賢二邑岐嶷曰進賢城堅無兵不害豐城無城可守乃檄豐城備餉督瑞昌兵逆流而上約豐城令具輕舟數十夜發抵樟樹鎮蓐食赴陽湖五鼓至賊尚未覺賊五千人分五營鄉兵官兵僅千人分攻東中兩營岐嶷下令自一里至十里分設火炮未明鼓譟進賊倉卒出拒岐嶷預令兵為小袋數百裝石子繫之既合戰賊營高數尺盡出袋中石仰高投擲皆應手倒生擒劇賊四百餘人及其渠魁謀主等斬馘千餘級餘黨遁入撫州臨吉撫建盜皆絕壬戌大征饒寇張璉有旨發江西兵夾攻岐嶷為護軍以計購獲璉復以偏師攻降林瓚等七十二寨旋以舟師邀表三餘黨於鄱陽湖斬戮無遺癸亥委署贛川兵備適巢賊萬人出規移撤招諭皆悔禍聽撫先後平

賊功中外交薦為嚴世蕃所抑遷雲南叅議攝安普
守道事時易門嶺峨昆陽南安新化五州賊首阿方
李向陽等聚眾二萬攻圍易門所城岐嶷出師擒之
復擒尋甸杆渠衛遮破其巢穴餘黨乞降遷雲南右
叅政兼臨安兵備副使撲賊部落萬人頻為臨患岐
嶷牒兩臺發兵三千自將邀捕之斬賊首七人從賊
三百人丙寅鳳繼祖叛謀據武定城廵撫呂光洵檄
岐嶷與副使張天復等分道進兵以僉事張澤督尋
甸兵守普渡河截其歸道澤不聽岐嶷節制先發與
戰被獲岐嶷兵至武定賊殺澤從直勒渡江去渡訖
悉瘞其舟遁入山中岐嶷收軍入城捕斬殺澤者以
徇因遣人之元謀縣金沙江採木造船度里屯兵開
通餉道部署已定自督之行至直勒江破直勒洞知
繼祖所埋舟處發而乘之順流下直勒得繼祖於青
鷄羅山中殺之函首軍門光洵歸功岐嶷同事者心
嫌之轉貴州按察使竟為嫌者所中罷岐嶷自言兵

戎大事必行一不義殺一不辜雖立致萬戶侯不為
然後為天地鬼神所祐江西巡撫胡松為人言方今
文武治兵可當緩急者教練節制莫若俞虛江紀律
嚴明莫若譚二華若料敵設章以少禦衆則惟盧君
臨江志言岐嶷為臨江人殺賊料敵設機刻期調遣
疾若風馳秘寂莫窺薄暮惟聞傳令饋食旦未及炊
停戰相望於道井肆晏然其讚頌之如此者有金膏
瓊液鈎元類纂等書子碩萬厯間進士官戶部主事

蔡文

字孚仲龍溪人嘉靖丁未進士選庶吉士改兵部
郎恩廣西叅議除柳州劇盜及暴橫土酋潮寇猖

獷督府檄署分守蒼梧力贊戎事賊平賞銀幣轉副
使治兵府江立莊船令首尾相啣互鈐束以遏搖賊
出沒即城陴為走馬傳籌法嚴督巡警有竊發輒擒
之遷江西叅政撫州岑崗三巢叛服不常有司議征
勦文推誠撫之負固盡服厯遷貴州左布政陞本省
巡撫貴州跨滇蜀楚粵四省諸搖獷悍而都勻麻窩

大華三酋尤恃險跳踉乃督兵征之嚴令誓師不妄殺一人凡三奏捷以母憂歸

朱天球

字君玉漳浦人弱冠登嘉靖庚戌進士授南工部主事會楊繼盛論死西市天球同薛天華楊

豫孫董傳策往收之擢湖南分守歷轉山東副使復提督學政擢南京太僕寺卿石星以言事忤旨因上疏乞宥星罪京師人語曰朱公向履虎尾今批龍額非烈丈夫孰克當此越明年外調拂衣歸萬厯中復起廣東按察使歷官至南工部尚書乞歸卒年八十三贈太子少保賜祭葬著有湛園存稿

徐鼎

字思重漳浦人嘉靖庚戌進士初令臨川清虛糧均徭役崇學校恤犴獄擢南戶科給事中轉北禮

科疏陳六事復糾撫臣之不飭者奉使迤里屬有兵興之役民苦轉輸貽書當道請分績運如詔安例復上疏請還浙省原借糧銀以紓閩中官私之急鄉人德之陞工科都給事中卒於官臨川人為祀名宦置

祭田
馬

王應顯

字惟謨漳浦人嘉靖庚戌進士任秀水令縣患倭與郡守劉慙合謀守禦士女避寇來城者萬

計監司令由女牆縫入應顯矯令啓門納之入甫畢倭逼城無一遇害者歷官太常寺卿值張居正居憂奪情諸部寺俱上疏保留應顯獨不署名遂拂衣歸

林士章

字德獎漳浦人嘉靖己未廷對第三人授翰林院編修時詞臣侍詔多以供奉承恩士章獨閉

戶下帷沈潛經籍為兩京祭酒陞禮部右侍郎兼侍讀學士補講官雅志獻納思以啓沃自劾蚤夜訂正講義先期肄習齋宿祇畏如在御前在部六年朝堂陵廟日有修舉謀畫居間諸司之政較如指掌有所主議吏人祇服相國張居正居憂廷臣連名疏保士章及太倉王為佐相顧慨然曰典禮之司倫紀所係

當為名教守之遂不列名居正嘽之言官餽相臣意
乃摺撫其里居細事不報時士章去國學已數年太
學諸生數百人羣詬言者之門謂林先生品望何等
而媒孽及之賴主上聖明不則為汝所傾矣晉禮部
尚書再疏致仕年七十七卒
賜祭葬子汝詔萬歷中進士

吳善

字元夫龍溪人嘉靖壬戌進士授刑部主事恤刑
廣東以明允著擢永寧兵備永寧諸獐所聚多反

覆善剗其巢柵列為編民建市廛通鹽法教以樹蔬
獐皆向化以軍功歷陞副都御史巡撫廣西時府江
猖叛平樂兵又告變所在焚掠善躬入險阻平定之
詔加秩賜金以兵部侍郎督兩廣軍務罷諸苛條責
成吏治卒於官加
贈予祭葬廕一子

林偕春

字元孚漳浦人嘉靖乙丑進士授翰林編修慷
慨多氣節館閣中以直諫多聞稱修武宗世宗

實錄詞核義正管理誥勅為張居正父拱制居正欲
增改數語偕春不肯曰王言有體終不為易居正憾
之出為湖廣副使拂衣歸後居正敗起督學兩浙復
以忤臺使者掛彈章再起南贛兵備遷楚藩大叅致
仕著有雲山集行於世

林以靖

海澄人嘉靖間武進士授漳州衛鎮撫饒寇犯漳以靖領兵從叅將楊縉禦於長泰之渡頭以

衝鋒陣亡

蔡應科

字思成龍溪人隆慶戊辰進士起家瑞州推官萬歷末以右副都御史巡撫廣西禁土酋不得

入鎮城文武將吏不得納土酋琛帑及以訟牒追呼聽細人言驚擾百姓交州流寇犯欽州應科誓諸將曰交州小醜壓以大兵即欲築人顱為京觀易耳所貴不妄殺一人是役也招多者以克捷功論殺降

誅良者無赦諸將皆如約交人喜如更生縛首
禍三人以獻賊平卒於官贈太子少保賜祭葬

盧維禎

字司典漳浦人隆慶戊辰進士歷吏部考功文
選郎遷太僕光祿卿疏請改折浙江歲派上供

陞太常卿上疏請冊立大典晉大理寺卿官終戶部
左侍郎晚歲與朱天球結社自娛所著有醒後集卒

贈戶部
尚書

唐堯欽

字寅可長泰人隆慶辛未進士授中書舍人遷
工科給事中多所建白累陞刑科都給事錦衣

鄭承憲為父鄭福乞葬地福皇貴妃祖也帝給墳價
五千兩堯欽上疏力言祖宗成憲妃祖父無予葬例

責戚肅然司禮監張鯨怙權蹟貨事發詔誅遣其黨
邢尚智等特宥鯨堯欽抗疏語多觸忌後陞南太僕

寺卿乞歸卒賜祭
葬所著有崖畧篇

蔡時鼎

字台甫漳浦人萬厯甲戌進士厯知桐城元城二縣推監察御史內官田玉提督太和山場兼

分守湖廣行都司事請給符驗關防禮部為請鑄給時鼎疏言內官兼分守自隆慶初太監呂祥始為御史叅奏下兵部覆草臣竊以為聽納之公不但當行於有司而亦不可為左右所潛移禁遏之萌不但當施於疎遠而亦不可為褻近所默格願獨斷報罷疏入不行然中官實畏憚之尋奉勅巡鹽兩淮條便宜十事復繼陳六事巡鹽故有成例斥充淮安寶慶汜光湖開築越河之費及置屬邑學田頃之御史丁此呂劾侍郎高啓愚已卯鄉試舜亦以命禹題意實阿奉張居正啓愚坐此去吏部叅此呂誣賢亂政時鼎復疏言方今羣枉已退不必過為搜求攻訐使人避說畏譏但能反其本心行其真是則言路自清國是自定矣會順天鄉試有陰囑不售者積憾考官交搆中貴造為飛語有旨枷木生械奪主考提學官時鼎

復疏言匿名告揭律有明禁宮禁清嚴之地縱其事
盡公其言盡實猶恐開譏問之門廣告訐之路矧又
假實濟誣因公行私乞自今凡百幾務普示外廷明
辨是非疏上忤旨謫馬邑典史量移太平推官陞南
刑部主事轉吏部復疏論時相之失反復數千言時
鼎肆力文章自經史百家以至陰陽醫卜靡不研究
尤嗜周易窮極同異註

疏解釋卒年四十三

張佐治

字思謨平和人萬厯甲戌進士歷宰高淳長興
高明三邑遷寶慶同知擢金華守再補寧波雪

孀婦王氏寃獄定海有盜殺人棄屍江中逆流而上
隨官舟佐治察之曰此新被害者賊去未遠遣人急
捕果得之一訊而服人稱為神陞天津兵備叅政時
倭犯朝鮮天津戒嚴佐治開闢屯田數萬頃綢繆備
至以勞
卒於官

吳顯

字景猷漳浦人萬厯甲戌進士初知六安州高郵寶應湖堤壞總河特疏請顯督修顯拮据五載修

越河築老堤植柳以護堤岸張居正命其子迎母入京道過郵役驛夫至八百人時居正方厲驛禁犯者重得罪顯力裁之居正家奴入州治大詬誘顯入其舟嗾數婢欲奪州印顯正色曰州太守奉汝家相公法不敢糜費竟不與居正亦不問遷比部員外歷廣東叅議以不能諧俗左調乞疾歸子來萬厯乙未進士

胡士鼇

字爾潛詔安人萬厯丁丑進士令江陰入為計部郎持節賑畿南諸郡出守武林以忤當道奪

職歷登州同知遷青州守礦璫陳增橫暴誣並都令吳宗堯被逮士鼇毅然曰守令一體令逮何以守為揭政府為令白冤增聞併構之降河來運同臺省銓曹屢疏士鼇才品皆不報尋乞歸

劉庭蘭

字國徵漳浦人萬厯丙子鄉試第一與魏允中顧憲成齊名庚辰同第南宮以氣節相砥礪嘗

上書指陳國家大計尋以父喪歸值魏允貞上疏忤旨謫判陳州庭蘭上書許國請申教語殊懇切都人

壯之未幾卒兄庭芹庭蕙後先成進士漳人稱為三劉云

柯挺

字以拔海澄人萬厯庚辰進士授南樂令擢監察御史神宗經營壽宮費帑金幾二百萬有上書請

他移者挺素曉堪輿周遭相視曰是吉壤也所不如法者向耳詔詣壽陵面對帝喜賜食遂不改卜丁亥歲大祲請發臨德二倉穀二十萬石賑之出按湖廣會鄖陽兵亂挺馳入境誅三卒以狗變遂定提督留都學政所鑒別皆知名士丁內艱歸

陳奇可

字仲卿鎮海衛人萬厯間以歲貢判饒州兼理密捕中貴人潘相方暴橫奇可一繩以正燒造

夫馬之賞概從裁減璫卿之會入郡署事璫鞭撻鎮兵慘酷衆鼓譟焚厥奇可適抵鎮譟者大呼曰無驚

動厥東陳通判也中貴人愧且忿奏奇可鼓衆倡亂建下錦衣衛卒於獄海內哀之

戴燦

字亨融長泰人萬厯丙戌進士起家行人厯四川叅政屬有奢尚之變蜀城被圍月餘燦寢食樓櫓

中守禦不懈賊退論功即陞其地按察使卒於官加贈廕

張一棟

字任甫平和人萬厯丙戌進士由新興令遷國子助教與祭酒楊起元較列十三經二十一史

進呈陞南計部出守平樂時礦璫以取礦為名方春迨蹂民田一棟扶其爪牙而遣之曰王政以土地人

民為重未聞以礦故害土地人民也踰年補兩淮鹽運使遭摩慶道以憂歸著有疏啓詩文二十卷

王志遠

字而近漳浦人萬厯己丑進士厯戶部郎中贊襄大禮七次省金錢百萬中使有徵求者抗疏

爭之屢干宸怒獲免出為湖南叅議分守長沙寶慶
時宗祿京絹監稅南兗等弊害民志遠嚴禁之轉四
川右布政罷坐稅及鹽茶稅歲五萬有奇尋
轉廣東左布政以勞卒於官贈太常寺卿

林秉漢

字伯昭長泰人萬厯乙未進士選庶吉士改浙
江道御史按粵東值中使採珠所在騷擾秉漢

疏列七宜罷言極剴切又疏列椎璫李鳳罪狀粵人
誦之後以議楚藩事忤旨謫黔臬幕官遂引去卒於
家熹宗即位檢舊諫疏嘉其忠懇贈
太僕寺卿所著有若決草長山集

鄭懷魁

字輅思龍溪人萬厯乙未進士謁選司農出管
北新大軍二廨積困宿弊一清移署上供大璫

索珠貝晴綠甚急懷魁抗疏言徵臣不能化砂礫為
明珠乞裁減十九旨下減十之三後出守處州聽斷
甚簡民稱半餐太守及備兵三衢設戈船偵賊以便
商旅兩浙大潦發衢發粟賑之中飛語拂衣歸所著

有蔡圖集渡江小草農
臣暇筆蓮城紀咏諸編

楊聯芳

字蘅苑龍溪人萬厯辛丑進士授行人出知杭
州正直不避權貴有大僚子姪驕橫犯法聯芳

庭笞之豪右歛跡遷廣西臬長為忌者所中錮
級致仕卒年八十七著有書經纂註三十四卷

林宰

字德衡漳浦人萬厯辛丑進士授無錫令厯陞四
州布政使樊龍興虎之變親援枹鼓以勵將士召

女土司秦良玉授計擒之陞太僕寺少卿核馬
政諸樊賜銀綺尋以南兵部左侍郎致政歸

周起元

字仲先海澄人萬厯辛丑進士由浮梁令擢監
察御史天啓初以都御史巡撫吳中蘇松歲供

織造料銀四萬兩太監李實誣論掌織造同知楊姜
違抗被繫起元三疏救之實訴於魏忠賢逆建起元
有欲為辯寃者起元力止之曰臣之事君生殺皆恩
歟歟益增吾罪矣竟死獄中崇禎初復原官加贈兵

部侍郎
諡忠愍

鄭鼎

字汝調龍溪人萬厯癸卯舉人知廣順州州故無城天啓二年土酋安邦彥叛鼎立柵以守賊燬柵

入罵賊不屈死僕六人同時殉難贈光祿卿廕一子建憫忠祠祀之

丘懋煒

字以鄂漳浦人萬厯甲辰進士授行人擢兵垣上屯田馬政及備倭八議又上疏乞罷東廠劾

鄭國泰十罪請斬以謝天下直聲大振歷補虔州分守陳守虔八議虔歲有例金八百悉捐之以供宗室無祿者秩滿晉粵東臬副致仕歸

涂一榛

鎮海衛人萬厯甲辰進士由金壇令擢南吏部郎司考察事凡貪墨吏一筆勾罷同官曰毋乃

太刻乎一榛曰一家哭何如一路哭正謂此也歷官至通政使以清正著

蔡思充

字保卿漳浦人萬厯丁未進士初授東陽令擢刑科累陞太常光祿二寺卿乞歸尋起刑部侍郎

郎出入輕重多所平反上疏極陳科舉闕節及蘆州蕪湖關數大案辭義激烈晉工部尚書致仕卒贈太

子少保

馬鳴起

字伯龍龍溪人萬厯庚戌進士授得梁令擢湖廣道御史時保母客氏比魏璫權傾中外廷臣

上疏輒被譴鳴起抗言六不便詞極激切帝怒杖一百業向高力爭之得不死罷歸後璫敗起官歷右都

御史掌南都察院事卒子奕祭贈太子太保諡忠簡

章文炳

字明會長泰人萬厯癸丑進士以員外郎出守重慶興賢育才摘奸發伏郡人頌之天啓初以

東征調川兵土酋樊虎乘機鼓譟殺巡撫徐可求巡道路日升文炳挺身罵賊亦遇害賊黨夏允中

慕文炳威德殮以美材檢其囊敝衣數襲而已
賊歎息羅拜而去事聞贈太僕卿廕一子千戶

盧化龍

字爾騰漳浦人萬厯丙辰進士厯蘭谿婺源旌
德三邑令以薦遷戶部主事改吏部文震孟揖

之曰朝端聞公勁節久矣魏璫聞而忌之會有楊漣
左光斗之獄併誣化龍遂與漣等二十七人同下獄

削籍歸崇禎初起原
官轉郎中以病乞休

劉其忠

字長琯長泰人萬厯丙辰進士以潮州司理擢
河南道御史具疏陳邊圉事甚悉魏忠賢竊柄

楊漣疏其二十四大罪旨十日不下具忠繼疏力言
留中之非乞付忠賢法司明正典刑以慰列祖之靈
以謝天下之議璫大恚思中之命督餉甘肅踰
年削籍崇禎元年起原官以外艱歸卒於家

林鈺

同安籍龍溪人萬厯丙辰及第第三人累官祭酒
時魏璫烜赫立祠幾遍海內一日國子生執牒至

針問云何對曰魏公功德巍巍宜立像國學請公定
判針曰諸生宜熟思之孔聖嚴師也禮有人主北
面之尊魏人臣也若並列坐他日皇上入學謁莫君
拜於下臣偃於上能安之乎明日稱病去懷宗即位
聞之嘆曰危行言孫君子也晉
禮部侍郎東閣大學士卒於官

林日瑞

字廷輯詔安人萬厯丙辰進士歷官都御史開
府甘肅時公公私耗盡盜賊蜂起日瑞討軍實結

西羗以備用會闖賊大舉入寇日瑞以精兵扼河賊
乃於水堅處徑渡相持二十餘日賊帥賀錦使諸生
陶萬樑說降日瑞拔劍斬之錦怒築長圍分番扼感
值大雨雪士皆墜指賊餌城西守者踰城入城陷日
瑞被執賊脅之降日瑞抗聲大罵賊
怒磔於市事聞贈兵部尚書予卹廕

黃道周

號石齋鎮海衛人少負奇節不屑治舉子業抵
博羅韓日鑽家得盡覽所未見書嘗即席援筆

草羅浮山賦數千言立就天啓二年第進士選庶吉士歷編修監修國史實錄故事經筵展書官奉書膝行道周謂膝行非禮也平步而進魏璫目攝之不為動乞歸葬父石養山結廬其下旋丁內艱服闋還朝崇禎三年典試淞江以神宗實錄成晉右中允明年冬故相錢龍錫以袁崇煥事被逮道周疏救之貶秩鍋三級科臣有叩道周者中以蜚語乞休許之瀕行上小人勿用疏蓋指輔臣溫體仁周延儒也帝怒削籍還至浙江學徒為築大滌書院而講學馬歸至石養山守墓三年門人自遠而至者千人乙亥起原官時久旱五日內祭兩尚書道周疏請慎喜怒以回天意時溫體仁方招奸人興東林復社之獄道周又疏言當此南北交訐奈何與市井細民申勃礮之談修睚眦之隙晉左諭德掌司經局道周疏辭有三罪四耻七不如語時鄭鄆方以扶母大詬道周言文章意氣臣不如鄭鄆等諸人帝得疏愕然嚴旨切責方擇

宮僚閣臣遂摘不如鄭鄮語為口實擯道周因稱病乞休不許遷少詹事侍經筵時楊嗣昌奪情入閣陳新甲奪情起宣大總督方一藻以違撫議和道周草疏分劾同日上之帝持三疏不下召對平臺嗣昌從旁撓鄭鄮事詆道周道周奏大臣聞彈義當退避未有御前爭辯不容小臣盡言者帝曰爾言不如鄭鄮何也道周對曰臣言大章不如鄭鄮耳奏辯久之叱退帝起還宮御筆榜朝堂以道周為戒貶江西布政司都事巡撫解學龍以道周才堪輔導薦帝怒疑為黨削籍逮治詞連黃文煥陳天定董養河文震亨俱下詔獄戶部主事葉廷秀太學生徐仲吉先後疏救并杖戍道周繫獄時獄吏日奉紙筆乞書道周為書孝經百二十本在獄感明夷事著易象正方草十二圖錦衣校徵急道周恬然曰俟吾畫一圖成就逮耳擁之去至北寺與廷秀仲吉對簿以尚書劉澤等議得遣戍周延儒蔣德璟復為上言免戍復官乞致仕

歸講學於浦之明誠堂後出師江右被執死於金陵及門蔡春容賴繼瑾趙士超毛玉潔俱同時死越數載長子廌與門客趙子璧往金陵扶柩歸葬生平著述甚富奏疏經解詩文旁及天文歷數共四十種

徐仲吉

字德公一榛子萬厯間入太學一日在金陵聞黃道周下詔獄投鴈而起曰仲吉當一行為朝

廷保正士其友難之仲吉歎曰黃公天下之正人也黃公殺則正人去朝廷殺黃公則負殺直臣名事無大於此者遂赴闕上書通政使施邦曜有難色仲吉作色曰朝廷奈何使與婦者作納言乎疏上詔杖仲吉於長安門外下錦衣獄或陳刑具鞠之指拶盡折不少挫乃與道周並論戍尋赦歸嘔血死

何楷

字子元鎮海衛人天啓乙丑進士授戶部主事推許聖闕推刑科給事中時詔獄繁多楷疏陳慎刑

八議選工科都給事中兵部尚書楊嗣昌以母憂奪情柄政楷與黃道周劉晉卿趙景之林自芳先後糾

參調南國子監丞以艱歸
講學於紫芝書院尋卒

盧經

長秦人天啓乙丑進士由行人擢御史所陳奏皆
持大體巡按河南貴戚宗藩飲手以避時萊陽郡

王橫暴奪許州諸生莊苗經按其事疏劾之帝怒逮
經欲置大辟侍郎陳子壯禮科蔣觀國力救乃遣戍

及歸杜
門不出

陳璘

字賓王鎮海衛人天啓乙丑進士好談兵初授慈
谿令海寇劉香犯境璘督兵力戰城賴以安遷袁

州司理流寇至袁璘籌方略日夜守禦圍解摧湖廣
叅議值八排不靖兩廣節度題授監軍璘提師直搗

猺穴七閱月而八排平會張獻忠攻陷荆襄常豐等
郡遂勅璘專閩湖南提調七省軍務即誓師奮發克

復常武乘勝進圍澧陽連營城下賊迎戰屢北璘麾
兵急攻夜半登城遂入澧陽乃親督衛永諸路兵與

分守周鳳岐謀制敵之策誓師於鼇山鋪三戰三克
乘勝深入陷重圍中猶麾其帳下血戰六十里至新
斗鋪被擒獻忠欲降之瑣叱曰我堂堂憲臣奉命討
賊肯從汝反耶賊怒斷其手足剖肝碎膚至死不屈
事聞贈都察院右副都御史特祠崇祀賜諡忠貞

范方

字介卿長泰人天啓辛酉舉人任國子助教遭民
部主政守御倉闕賊陷京執方令開倉方曰斷吾
頭足矣倉不可啓殺之血洒部署

洪應斗

海澄人天啓間武進士授福建水師把總時海
寇縱橫應斗率所部舟師南援副總兵陳希範

駐師銅山日以酣飲為事應斗規之不聽賊乘風直
下縱火焚掠應斗迎敵賊艘圍之手刃數十人度不
能出遂抱鐵銃自沈死

陳士奇

字弓甫鎮海衛人天啓乙丑進士由中書授禮部主事轉郎中歷遷四川督學時張獻忠蹂躪

楚地士奇數請撫臣蚤為防守計川撫知其才舉以自代獻忠果寇成都士奇極力死守以援師不至城

陷被執馬不絕口遂遇害事聞贈

兵部尚書廕一子錦衣衛指揮

徐有度

字宗裴平和人天啓間以貢授順慶府經歷遷博羅令未行會閩賊入京有度馬賊不屈遂遇

害

陳天定

字祝皇龍溪人天啓乙丑進士以魏璫故不釋褐而歸閉戶著書璫敗始赴選授行人坐黃道

周黨繫獄旋召入銓衡屏絕常例時稱開門吏部後適跡山林卒學者稱為慧山先生所有陳氏說書

慧山詩

文集

魏呈潤

字倩石龍溪人崇禎戊辰進士選庶常改兵科給事中嘗論列禁臣曰朝廷設臺省於左右所

以斥奸邪輔君德也此輩不去君德何裨省中目為魏長孺所著有館課疏草南陔草負土編

林明順

字孝臣海澄人崇禎庚辰進士授翁源令調增城署東莞莞多盜明順肩輿入賊壘諭以禍福

賊留之三日民慮其危輸金往贖而賊已歸順擁令與至矣乃以民所輸金修學宮治橋梁尋擢御史

陳一韓

字揮卿海澄人崇禎間以貢任山西理問署篆遼州方半月流賊至州素無備一韓出家貲募

士以守數日賊黨蜂擁援絕城陷率家兵巷戰而死

李光熙

字赤斗平和人崇禎庚辰進士授新光令以勞績著璽書旌異有曰燃犀不足為其照截蛟不

足為其鋒措餉練兵王事既多裨益東征西討足跡直徧郊原尋召試擢翰林院檢討

國朝

朱王造

字矯士平和人順治三年以貢歷任廣西永寧州守吳三桂變亂王造義不從賊全家被繫三

年竟死
獄中

郭宏纘

字梓叅漳浦人明季諸生究心韜畧國朝順治初以明經為乳源令禁濫派免宿逋民困以

蘇歲丁亥山寇侵縣孤城業卯宏纘定方畧佯於堞樓上痛飲賊謂其不知兵也心易之不設備翼日援兵集宏纘出賊不意多鼓鉤聲渡河合擊俘斬無算邑賴以安

黃梧

字君宣平和人順治初以海澄來歸封公爵時海寇盤據三山海界梧率師復閩安賜蟒玉雕弓

戊戌復統兵攻雲霄廈門泉逆黨陳瑋等以功進太子太保乃上疏請蒐三島隨同總督李率泰回山郎

賽率所部破廈門金門等處降獲甚多授梧一等公
世襲十二次留駐漳南康熙十三年耿逆變作梧方
病癰傳檄至漳投袂而起癰
口逆裂遂卒贈太保謚忠恪

賴陞

字晉侯平和人順治初從黃梧獻海澄又攻復關
安厦門以功授叅將勦殺賊將李正吳田等叙功

優賞後協守海澄被圍五閱月
食盡城陷抗節死 詔卹其家

戴璣

長泰人順治己丑進士授戶部主事出納惟謹推
稅淮關商旅稱便調吏部主事陞湖廣岳川僉事

時滇黔用兵璣轉輸立辦遷廣西布政司叅議分守
柳州唐應元之亂親斬渠魁搖撞畏服以裁缺歸里
康熙十三年耿逆結海寇圍漳州璣出家貲招鄉勇
從海澄公捍禦賊遁去十七年長泰失守全家被掠
賊餌以官不屈幽
囚一年絕粒死

蔡而烜

字邦壁漳浦人順治壬辰進士授東昌府推官鈎距不設片言決獄多所平反自是郡中滯獄

及一切重案悉予裁決臺使張翀薦之有明如秋月肅若秋霜之語某邑令失歡巡撫陰屬而烜叅揭堅持不可巡撫怒曰若能從并救人乎而烜曰寧從并救人不能殺人以媚人也遂謝病歸著有西湖藏稿

蔡而烜

字邦鄂漳浦人順治戊戌進士知桐柏縣善決疑獄人頌神明民婦有謀殺夫者匿其屍而烜

蚤夜默坐求其情不得一夕燭影下恍若有物逼視之覈人形叱之應聲曰某即公所憐被殺者第求某水中即得屍旦求之屍果得遂按其罪邑民不知紡織妻林氏携紡車教之婦女始治績絰因相與歌曰歸桐人扶老携幼遮道送之

黃易

字子參漳浦人由廣東籍登順治己亥進士知歸化縣廉幹有聲嘗單騎巡行阡陌問民疾苦防弁

暴捍力請禁戢民賴以安康熙十三年耿逆變作變姓名從間道入粵粵變繼起遁跡江右聞大師度仙霞乃詣軍前自効事聞議叙以疾卒贈按察司僉事

許來音

字廷開南靖人順治辛丑進士知深澤縣縣當濱水之衝隄決淹沒民居田畝來音相視防築水不為災嘗請草養遍馬狐裘之供諸生祝昌齡父子為奸徒李學進所陷廉雪其冤人稱神明以最擢中書科舍人

李贊元

字匡侯平和人康熙初累官至河北叅議所至皆有惠政會滇南告警供億繁興當事傍徨莫措贊元咄嗟立辦後以疾乞歸時閩氛未靖倚寓金陵著有文集鈔出門吟遯園草悔齋詩怡老編等書

唐朝彞

字偕藻漳浦人康熙丁未進士選庶常尋補廣西道御史疏請嚴禁各省兵馬駐劄之處及上

司差役往來濫派民夫折銀供應之樊厯掌陝西山東山西京畿河南諸道事累遷大理寺少卿奉命祭告女媧成湯陵道路所經屏絕問餽未幾告歸通籍三十載不能營一室數椽自蔽處之怡然所著有先後天卦圖說

黃芳世

字周士平和人海澄公梧從子先以入覲授一等侍衛晉階資議大夫會朕逆海寇相繼為

亂特授中路總兵官由粵入援時江州已為賊據芳世率兵奮擊倍道前進未至二百里而漳城陷退屯惠州兄芳度時守漳城為叛將吳淑等開門降賊芳度投井死賊驚解之至是芳世問道入京備陳芳度殉難始末命襲梧公爵兼提督福建水師軍務賞賚優渥既至漳寇盜充斥且撫且捕有山寇聚眾數萬以白頭為號芳世一鼓擒之悉降其眾以疾卒於軍贈少保諡忠襄弟芳名在圍城中為芳度守北門

城陷被執
不屈死

黃翼

字輔卿平和人原任福建水師右路總兵康熙十三年耿鄭交通為亂翼出家貲助餉佐芳度督兵

繕守漳州曰盡忠報國在此時矣遂冒死血戰殺復甚多嘗引兵突出北門斬賊將蔡祐林勇等一軍皆驚入甯乘夜衝突賊營斬獲無算未幾吳淑內叛城陷一家被殺同時死事者有戴鏞陳謙張濟黃香蔡隆吳友朱武陳驥等俱加贈卹

黃相

龍溪人少讀書好擊劍喜談兵以獻策平賊功授廣東督標副將康熙十三年奉檄討高明瓏泮賊

率東揭穴奮勇入寨被執不屈死事
聞贈都督僉事予卹廕其子一人

鄭宗煥

龍溪人以武生從戎累立戰功歷陞遊擊康熙十四年隨海澄公黃芳度督兵守城賊攻擊不

能下偵知籌畫多出自煥乃搜獲其母兄至城下勒令招降毋大呼曰吾兒勉為忠臣吾死安矣煥涕泣指天誓死不二賊怒憐其兄曾吳淑賣城煥被執賊首鄭經愛其才欲生之煥不屈噴血罵賊賊械送臺灣赴海死進士劉勃以詩弔之曰含笑入江水魚龍識壯才忠魂猶可返應與夜潮來

張福衍

字峭谷南靖人康熙戊辰進士初補行人推刑部主事多所平反遭吏部驗封司主事兼文選

考功稽勲三司陞員外轉郎中以風節自勵人不散干以私會入見特旨褒其才品尋以疾卒

延平府

南唐

廖澄

順昌人梁開平二年進士後仕南唐累官大理評事宋曹彬取江南師圍金陵甚急校書郎林特勸

之降澄曰吾久仕唐君臣之義不可廢也乃預
以死事遺蒼頭歸報其家城陷遂從容引決

廖居素

將樂人仕南唐為御史中丞諫後主不
聽朝服衣冠投井死曰不忍見國亡也

盧光世

尤溪人南唐取閩拔為尤溪守將時戍卒偷玩
已久光世嚴申約束部伍肅然李仁達據閩作

亂傾尤溪兵調發無備遣其將陳匡弼空壁襲之光
世與戰於東郊水亭衆寡不敵前後援絕仰天大呼
曰吾守人之土當與此邑共存亡奮臂而前手斬數
賊力鬪死光世五子四子俱以血戰遇害獨季幼棄
草澤中為鄰媼牧育事
聞授季總管復其家

宋

陳世卿

字光遠沙縣人雍熙二年進士衡州推官調東
川節度使推官李順寇兩川知州張雍分兵守

樂世卿當一面射中數百人時同幕皆自為計世卿正色叱之曰此皆懦儒不足仗亟白雍求援賊引去改掌書記召為秘書郎景德初徙知建州真宗知其才授福建轉運使規畫南劍安仁等銀場歲增課羨詔書嘉獎大中祥符四年出判湖北路轉運使屬蠻人侵縣境命世卿與史方劉仁黼討之遷所侵地復置澧州武口等砦控制之召對請領劇自効授秘書少監知廣州賜金紫奏除計口買鹽法九年卒年六十四贈吏部尚書

張若谷

字德諒沙縣人淳化三年進士為巴州軍事推官會蜀寇掠鄰郡若谷攝州事率衆守禦賊引

去調全州軍事推官入見真宗識其名曰是禦賊巴州者耶改大理寺丞知濠陽縣三司言廣寧監歲鑄緡錢四十萬宜擇主監者乃命若谷歲餘贏錢三十萬緡累遷右諫議大夫知并州先是麟府歲以緡帛

市蕃馬前守輒罷之若谷奏復市如故而馬入歲增
官至龍圖閣學士知杭州歲饑出餘廩為糜粥賑救
之以尚書左丞致仕子庾知臨江軍

吳輔

南平人天聖八年進士為道州推官有傳寇至者
郡僚欲毀橋嬰城守輔曰橋以南皆吾民也可棄

乎後寇
亦不至

陳偁

字君舉世卿子以父廕補太廟齋郎再調羅源令
有惠政判蔡州力爭死獄五人知惠州築豐湖數

里魚利歸民奏免課錢五十餘萬厯知開封府屬新
法行請外知泉州坐開封陷失青苗錢罷州人聞之
三日哀錢五十萬償改知尉州築堤十里以防皖溪
之患元豐五年再知泉州歲旱教民用牛車汲水溉
田舊法番商至必使詣東廣否則沒其貨偁請立市
舶司於泉州立詔從其議以朝議大夫致仕贈特

進于瑗汀州推官珏校
書郎璫見下璣知吉州

林積

字公濟尤溪人慶厯六年進士初為六合令罷歸
途遇王安石安石故知積才行欲見之積不住後

以公事謁政府安石稱之不置熙寧間繇知泗州召
對神宗嘉其廉能厯陞太府少卿出知福州移河南
轉運使終以鯁直不得用于義
官至吏部侍郎數文閣待制

陳籌

將樂人慶厯七年由人材擢用捕江西寇經
理邊務有功厯官金紫光祿大夫戶部尚書

廖正古

字明遠將樂人治平二年進士知西安縣有
惠政屢言青苗不便遂乞歸著有歸田集

周諤

尤溪人熙寧六年進士知新會縣時新法行郡縣
風靡諤獨持不可上書政府力陳其弊因乞歸著

有孟子解義
學者宗之

鄧甯

字仲吉沙縣人熙寧六年進士為威武叅軍移漳

州改福州有浮屠侵民田甯判歸民遷提舉轄江
淮荆浙福建茶鹽東南鹽貨歲額侵隙甯除盡輸運
歲增數十萬信州饑發粟賑濟歷遭福建轉運判官
坐謫起知黃州尋予祠甯博學工詩文有七峰
集十卷弟霽舉八行子文饒廣東提舉知福州

張弼

字安時沙縣人熙寧九年進士擢監察御史朝廷
作複道自太廟達南郊齋宮以宦者董役畿縣騷

然弼請付將作監在京百司俱隸臺察而閤門殿中
監多嬖倖獨無所隸弼請隸如他司從之未踰月輒
復故遂乞罷尋徙工部員外郎知興化軍
召還再除信州以工部郎中知廣濟軍卒

楊時

字中立將樂人熙寧九年進士聞程顥講孔孟絕
學於河洛以師禮見於顥昌歸顥目送之曰吾道

南矣顥卒又師事頤一日見頤瞑坐與游酢侍立不
去覺則門外雪深三尺矣歸杜門不仕者十年久之

歷知劉陽餘杭蕭山三縣以薦除荆南教授學者稱
為龜山先生是時天下多故懷安張甯館蔡京所言
時於京以宜引舊德老成置左右京薦之會路允迪
傳墨卿使高麗高麗王問龜山先生安在兩人還以
聞遂以秘書郎召至闕入對陳論政事十餘條執政
不能用繼又疏論蔡京王黼童貫罪惡又乞褒復元
祐名臣在黨籍者辨宣仁太后誣謗乞復元祐皇后
后號太學生陳東等伏闕上書乞留李綱與种師道
軍民集者數十萬朝廷欲嚴禁之吳敏乞用時以靖
諸生時得召對言諸生赴闕紛紛忠於朝廷非有他
意但擇長成有行誼者為之長貳將自定欽宗曰此
無踰卿遂以時兼國子祭酒又疏論蔡京罪請追奪
王安石王爵毀配享之像疏上安石遂降從祀之列
時諫官馮澥力主王氏學上疏詆時罷祭酒後除嚴
猷閣待制提舉崇福宮陞辭猶上書乞選將練兵為
戰守之備高宗即位除工部侍郎論自古聖賢之君

未有不以講學為務高宗然之命兼侍講連章丐外以龍圖閣直學士提舉杭州洞霄宮已而以本官致仕紹興五年卒年八十三時浮湛州縣四十七年晚居諫省僅十九日所論列皆切世道未覩奏時論事不媿古人三經義辯有益學者乞下本州抄錄仍優卹其家有旨贈官賜諡文靖明成化元年詔立祠延平以羅從彥李侗配弘治八年追封將樂伯從祀

廖正一

字明器正古弟元豐二年進士元祐中召試館職蘇軾得其策擊節嘆賞居言路有直聲蔡肇

稱其汪洋之學瑰偉之文後入元祐黨籍自號竹林居士有白雲集八卷

陳瓘

字瑩中偁之子舉元豐二年甲科第三人調湖州掌書記元祐四年僉書越州時蔡卞為越守每事

加禮而瓘輒自遠屢乞歸章不得上撤判明州章惇為相瓘隨衆道謁惇聞瓘名邀與同舟問當世務瓘

力辯司馬光非姦邪因論熙豐元祐之事言為今之計惟當絕臣下之私情融祖宗之善意消朋黨持中道庶可救弊言雖忤惇惇頗驚異之召為太學博士會卞與惇合正論俱絀遷秘書省校書郎紹述之說盛行惇上奏言帝王之學與士大夫異帝反覆究問意甚感悅再入見有更變時事之意執政憾之出判滄州知衛州徽宗即位召為右正言遷左司諫惇極論蔡卞章惇安惇邢恕之罪又疏言蔡京當紹聖之初兄弟在朝贊導章惇共作威福卞則陰為謀畫惇則私斷力行而京則且謀且行惇之矜伐卞之乖忤京實贊之七年之間擠陷言官常安民孫諤董端逸陳次升鄒浩等五人掩朝廷之耳目成私門之利勢遂舉京四事天下所譏議者為徽宗言之徽宗以惇所論不根罷左司諫添差揚州糧料院時皇太后已歸政惇言外戚向宗良兄弟與侍從希寵之臣交通使物議籍籍謂皇太后今猶預政由是罷監揚州稅

料院改知無為軍。瑄判明州時，作日錄辨以聞。王安石之傲妄，及是以軍事奉行詔勅，乃知天下根本之財盡運於西邊。緣都司職事看詳內降劄子因述錄之名，國用須知明年還為著作郎，遷右司員外郎兼權給事中，宰相曾布屢薦瑄於徽宗，遣人諭意云：「將大用瑄，作書投布言布尊私史而厭宗廟，緣邊費而壞先政二者，天下所共知，而聖主不得聞其說，蒙蔽之患莫大於此。」布得書大怒，即錄所與布書及日錄辨國用須知錄以狀申三省，乞行竄逐。信宿出知泰州，崇寧中除名竄袁廉二州，遇赦移郴州，稍遷宣德郎。以子正彙告蔡京有動搖求宮迹，抗守蔡薨執送京師。先飛書告京事下開封府獄，併逮瑄。京使權尹李孝壽治其獄，獄具正彙坐流海上。瑄安置通州，在通州時復取前所著日錄辨推而廣之，名尊堯錄。釐為八門合論四十九篇而為之序。張商英為相獨取其書既上而商英罷，又徙瑄台州。時宰相過州。

出甲兵遞送至台每十日一徙且命志人石幟知州
事執至庭大陳獄具將挾以死璫大呼曰今日之事
豈被制旨耶幟曰朝廷命取尊堯錄耳幟時已窘璫
百端而時相猶以為怯而罷之在台五年乃得自便
復承事郎徽宗令再叙一官仍與差遣執政持不行
卜居江州復有諧之者至不許輒出城旋令居南康
纔至令移楚州使不得一日安處竟卒於楚州靖康
初詔贈諫議大夫予正彙官紹興中高宗讀尊堯錄
而是之賜諡忠肅璫謙和矜莊通易數
者有了齋集次子正同敷文閣待制

黃裳

字冕仲南平人為書生時常有魁天下志博學宏
詞尤邃禮經元豐五年對策第一政和間知福州

果遷端明殿學士禮部侍郎晉尚書方三舍法行裳
謂宜近不宜遠宜少不宜老宜富不宜貧不如遵祖
宗科舉之制人以為確論建炎中
年八十七卒著有演仙集六十卷

翁邵

字好德初名醇順昌人博學工文元豐八年進士調崇安尉時劉韜在布衣邵待以國士還福清縣

丞廉謹方正當路聞其名欲羅致之檄至公堂猶責以苛禮邵拂衣回檄者愧悔已而以疾歸里縣令俞

偉大興學政屈邵主師席堅不出友人楊時貽書敦譬不獲已應之數州之士負篋雲集官至宣教郎

廖天覺

字仲先順昌人紹聖四年進士知餘姚縣屬行方田法天覺簡其事自民便之改令古田編民

負上供銀布幾數十萬天覺為多方理償作教民文詞旨懇切民從其化官餘姚時楊時適在會稽每語

人曰仲先真古君子張穆為部使者稱其可比古循良後以朝請大夫致仕著有魚山集十卷

曹輔

字載德沙縣人元符三年進士政和初以通仕郎中詞學兼茂科歷秘書正字時徽宗數微行置行

幸局民間初未知及蔡京謝表有輕車小輦七賜臨幸之語自是中外始聞臣僚莫敢言輔上疏極諫帝

出疏示宰臣令赴都堂審問大宰余深曰輔小官何
敢論大事輔曰大臣不言故小官言之官有大小愛
君一也少宰王黼陽傾左丞張邦昌右丞李邦彥曰
有是哉皆應不知輔曰里巷細民且無不知相公當
國何獨情然若果不知焉用彼相黼怒令吏從受辭
輔操筆曰區區愛君一無所求黼奏不重責輔難釋
浮言遂編管郴州處郡六年恬不介意靖康初復召
用前後論疏百餘章皆一時要務未幾免簽書金人
圍汴都要親王大臣出盟輔與尚書左丞馮澂使粘
罕軍高宗以康王聞元帥府相州金人請欽宗詔召
之遣輔往迓至曹州不見而復遂從二帝留金軍中
張邦昌請歸輔輔得與鄧肅同歸高宗即位輔仍舊
職未幾卒贈太師福國公諡忠達著有奏議
籟鳴集于紳朝請大夫綸度支郎中以詩名

曹中

字久德輔之弟元符三年進士除江寧上元尉政
和中擢詞學科第一拜秘書省正字改著作郎或

與期偕詣執政至半途佯稱疾還請外得永州奏戒
鹽額以上書言事忤宰相因罷靖康中聞京城失守

感憤

卒

楊迪

字遵道時子游程頤門頤答時書曰令子迪好學
質美當成遠器尤精易春秋學官至奉議大夫崇

寧三年卒遺文數百篇朱熹讀之嘆
曰是所謂發微詣極永解的破者耶

廖剛

字用中順昌人少從陳瓘楊時學崇寧五年進士
宣和初由漳州司錄擢監察御史時蔡京當國剛

論奏無所避以親老乞補外出知興化軍紹興元年
盜起旁郡官吏悉逃去他盜入順昌部使者檄剛撫
定剛遣長子遲諭賊賊散去除本路提點刑獄復拜
給事中時朝廷推究章惇蔡卞之罪詔子孫毋得官
中朝至是章傑自崇道觀知蘆州章僅自大府丞提
舉江東茶鹽事剛封還詔書乃並與祠尋遷刑部侍

郎求補外知漳州七年二月日食詔言事剛請正建
國諸君之號布告中外乃可以承天意示大公高宗
讀之聳然即召剛至闕拜御史中丞疏言殿前司強
刺民為兵及大將恃功布恩所請多廢法狀會邊報
至從官會都堂剛謂鄭億年曰公以百口保金人今
已背約有何面目立朝廷乎因顯疏其惡億年奉祠
去復乞起舊相之有德望者處以近藩秦檜聞之曰
是欲寘我何地耶改剛工部尚書而令王次翁何铸
劾剛薦劉昉陳淵相為朋比以徽猷閣直學士提舉
亳州明道宮明年致仕紹興十三年卒子四人遲過
遂遜仕皆秉麾節邦
人號為萬石廖氏

陳麟

字夢兆權從孫大觀三年進士為閩縣令有富人
誣里人為盜麟辨其寃尋獲真盜邑人神之勢家

欲徙人墓以屬麟麟不可部使者杖縣吏撼之終不
為動部使者復令諸邑求翠羽奇花怪石麟不顧遣

人謂曰汝何恃敢此應曰孤寒小官恃潔已耳紹興初知韶州郡寇至率所部敗之執其渠魁及餘黨數百人擢湖南轉運判官孫光遠石城令

羅薦可

字養蒙沙縣人政和二年進士初調高郵軍司理金人陷京師張邦昌偽詔至守率僚屬欲拜

之薦可堅持不可取赦書卿之高宗即位知樂平縣與守不協罷李剛制置江南西路辟為屬入監登聞鼓院忤秦檜出知澧州招集流亡州稱治移知筠州又知常州卒

張致遠

字子猷沙縣人宣和三年進士以宰相范宗尹薦召對擢樞密院計議官建帥范汝為已降猶

懷反側招安官謝嚮陸棠受賊賂陰與通致遠謁告歸知其情白執政鋤其根柢於是捕嚮棠等屬獄詔孟庾為福州宣撫使討賊韓世忠副之辟致遠為隨軍機宜文字賊平改廣東轉運判官招撫劇盜曾袞

等紹興四年除殿中侍御史時金人與劉豫分道入
寇宰相趙鼎勸高宗親征朝士以為疑致遠獨贊其
謀遷侍御史會有旨修瓦屋權充太廟致遠言中原
陵寢故在京師廟社僅存萬一四方傳播創建太廟
茲馬定都人人解體失中興大計時江西帥胡世將
請增買絹折納錢致遠疏言折納絹錢本欲少寬民
力而比且增半是乘民急而厚其歛也又請罷福建
權鹽精擇三司使副以常平茶鹽合為一官詔戶部
講究五年授戶部侍郎言陛下欲大有為於天下願
力務省節明禁僭侈自宮禁朝廷始諸大臣額員可
減者減之司屬可并者并之使州縣無妄用歸其餘
於監司監司無妄用歸其餘於朝廷朝廷無橫費日
積月聚惟軍需是慮中興之業可致也除給事中母
老乞外以顯謨閣待制知台州朝廷以海寇鄭廣未
平改知福州六年廣降致遠選留四百人置營城外
餘遣還業仍遣廣討他郡盜數月悉平再召為給事

中出知廣州尋以顯
謨閣待制致仕卒

鄧肅

字志宏沙縣人少警敏能文美風儀善談論李綱見而奇之結忘年交居父喪哀毀踰禮芝產其廬

宣和間入太學東南貢花石綱肅作詩以獻用事者見之屏出學欽宗嗣位召對便殿力詆權臣人以爲狂欽宗復容之補承務郎授鴻臚寺簿金人犯闕被命入敵營留十五日還張邦昌受僞命肅義不食其粟忍饑奔行在擢左正言作自誓詞以見志先見朝廷輸金國帛一千萬肅在其營密覘均與將士之數大約不過八萬人至是爲高宗言之且言金人不足畏但信賞必罰不假文字故人各用命今朝廷輕重上下但在吏手賞既不明誰肯自勸望專立功賞一司使立功者得以自陳從之時朝臣受僞命者衆肅請分三等定罪朕南仲得祠歸子延禧爲郡守肅劾南仲父子同惡沮渡河之戰遇勤王之兵今日割三

鎮明日截兩河及陛下欲進援京城又為南仲父子所沮誤國如此乞正典刑范訥留守東京肅言訥出師兩河望風先遁債軍之將不宜柄用訥遂罷因入對言外國之巧在大書簡簡故速中國之患在文書煩煩故遲高宗命建局討論祖宗官制兩月不見施行肅言今干戈未息豈可揖讓進退尚循無事之時乞限以旬日期具奏報庶幾法嚴事簡賞罰不至濡滯計肅在諫垣抗十二疏言皆切至多見採納會李綱罷肅奏言兩河百姓無所適從綱措置不一月間民兵稍集偽楚之臣紛紛在朝綱先乞逐逆臣張邦昌然後叛黨正罪今綱一去叛臣在朝政事乖矣兩河無兵外敵驕矣執政怒罷歸肅紹興二年避寇福唐以疾卒有拊

綱集二十卷

鄧柞

字成材沙縣人建炎二年進士授建昌軍僉判時洪州城破傳檄至建昌守率屬擬以城降柞毅然

斥之不為屈李綱宣撫湖廣辟為屬復以陳康伯薦召對擢湖廣轉運判官遷知泉州除直秘閣廣東經畧尋知隆興府江西安撫以疾卒著有焦桐集從子宗仁江東安撫使

馮安國

字彥修順昌人時行王氏學安國晦迹於家聚徒講經建炎中范汝為據尤溪籍民降附安國

不屈死

羅從彥

字仲素先世自豫章避地南劍因家沙縣聞同郡楊時得河南程氏學徒步至蕭山往見三日

驚汗浹背曰不至是虛過一生龜山亦喜其可與言道嘗與論易至乾九四爻曰伊川說甚善從彥即嚮田走洛見頤問之同邑陳淵伊川壻也每詣從彥竟日乃還謂人曰自得仲素日聞所未聞與學清節南州冠冕也既築室山中絕意仕進終日端坐聞之溪上吟咏而歸充然自得靖康中抹祖宗故事為尊堯

錄猷猷閣下不米朱熹謂龜山倡道東南士游其門甚衆然深思力行任重詣極者仲素一人而已紹興二年以特科授博羅主簿未幾卒學者稱爲豫章先生其遺書有詩解春秋指師語孟師說中庸說台衡錄議論要語二程龜山語錄淳祐間賜諡文質

李侗

字愿中劍浦人年二十四聞郡人羅從彥得河洛之學以書謁之從彥令靜中看喜怒哀樂未發前氣象而求所謂中者遂退居山中謝絕世故四十餘年飲食不充怡然自適接引後學答問不倦嘗曰學問之道不在多言但默坐沈心體認天理雖一毫私欲之發亦自退聽矣嘗以黃庭堅稱周茂叔胸中灑落如光風霽月爲善形容有道者氣象學者存此於胸中庶幾遇事廓然義理少進侗雖閑居無意當世而傷時憂國論事感激動人時朱松與侗爲同門友雅重侗遣子熹從學沙縣鄧迪嘗謂松曰愿中如冰

壺秋月瑩徹無瑕卒年七十有二諡文靖遺書有延平問答及語錄次子友諒字信甫與兄友直同登紹興二十七年進士歷監察御史出知

陳淵

字知默初名漸字幾叟從孫受學程門獨先於

有大學垂老流落負才未試詔充樞密院編修官會李綱以前宰相為江南西路安撫制置大使辟為制置司機宜文字七年詔舉直言極諫之士胡安國以淵應召對改官賜進士出身九年除監察御史尋遷右正言入對論比年以來思惠太濫賞給太厚頒賚賜予之費太過所用既衆所入實寡又論程頤王安石學術同異後因論和議淵願以和為息戰之權以戰為守和之具章五上言益切秦檜惡之會鄭億年復資政殿學士奉朝請召見內殿淵言億年故相居中子有從賊之醜乞寢其職名不報檜與億年為親

黨益怒之除秘書少監兼崇政殿說書改宗正少卿以何鑄論罷主管台州崇道觀十五年卒有默堂集

卷三十

范旺

順昌人廵司軍校也順昌盜俞勝等作亂官吏奔散土軍陳望素與射士張袞謀舉若應之旺叱曰

吾屬父母妻子受活國家廩食今力不能討賊反助為虐是無天地也克黨憤刻其目殺之一子曰佛勝年二十素驍勇賊詐以父命召至又殺之妻馬氏聞夫與子俱死求尸賊中且行且哭賊脅汚不從支解之賊平邑人嗟嘆以為士大夫所難及見旺死跡在地隱隱不沒尤驚異為設像歲時祭拜紹興六年詔贈承信郎更立祠號忠節節二

十八年詔復立忠節廟祀之

張維

字振綱南平人紹興八年進士調汀州軍事推官盜起屬邑附從者衆抄掠三郡維護巡尉兵會大

軍討平之知闕縣時積餼數十萬不取民號曰張
太清孝宗時除廣南西路提點刑獄召對言今日正
宜汲汲自治不可狃於小安語甚切直俾察部內守
令臧否以聞後除廣西帥召為江東計度轉運副使
入對孝宗獎其治績留為左司郎中改司農少卿初
守桂州常言熙豐行義倉法獨不及南方至是復以
為言從之

湯鶯

將樂人紹興中武舉狀元授瓊州路南安
軍時南洞王利學叛討平之民立祠以祀

范潔

字景圭南平人南渡初知新昌縣披榛櫟撫瘡痍
以創縣治紹興中守光化軍後守鄂州仕終漕使

廖德明

字子晦順昌人少學釋氏及讀楊時書大悟遂
從朱熹遊登乾道五年進士初德明為諸生乞

夢大乾廟見懷刺候謁題曰宣教郎既舉進士以宣
教郎知莆田縣憮然不欲赴朱熹語之曰成毀有數

凡物則爾人則趨向不同禍福隨變克廣德性力行
善事吾子事也又何疑焉德明拜受教至縣重風教
毀淫祠邑有達官請邑旁開地以益宅堅持不予守
會僚屬諷之正色曰請邑地即以地予今請郡地明
府即以正堂讓之耶達官聞而氣沮累知潯州諸司
交薦選廣東提舉刑獄彈劾不避權貴盜陷桂陽迫
韶州韶人震怖德明燕笑自如遣將馳擊而親持小
麾督戰大敗之徙知廣州遣吏部左選郎官奉祠卒
平居嘗語人曰吾自始任以至為郡惟用三代直道
而行一語偽學禁嚴雖守師說不為時變有文公語
錄春秋會要
槎溪集行世

鄧驛

字千里沙縣人淳熙二年進士歷官左司諫慶元
初拜中書舍人朱熹以忤韓侂胄罷講筵面奏乞

留不許李沐除正言驛寓詞規戒沐啣之復上言留
趙汝愚併論朱熹等不當逐語侵侂胄太學生楊宏

中等以救汝愚坐編管封還錄黃不草制未幾
以集英殿修撰知泉州進華文閣侍制奉祠歸

羅博文

字宗禮沙縣人嘉泰二年進士從李侗遊歷靜
江府觀察支使朝士坐忤秦檜斥逐南遷者捐

廩俸鬻衣服以濟之改知瑞金縣轉宣教郎歲饑發
粟賑贍又推其餘及旁縣全活甚衆張浚都督江淮
請以為幹辦侗聞之喜曰張公高明宗禮以精密詳
練佐之無過舉矣汪應辰制置全蜀奏辟為叅議官
博文推心啓告成都之政遂最天下東方士大夫遊
宦蜀土貧不能歸或死不克葬者竭力資給之累遷
承議郎主管台州崇道觀卒朱熹嘆其不獲
大用又傷吾道不幸而失此人為狀其行

黃復

字乾叟南平人寶慶二年進士除山陽尉聞汀寇
猖獗獻廟堂三策境賴以安真德秀陳韡交薦之

通判滁州與守陳廣協力拒寇廣死攝州事城被圍
八十餘日援不至前後數百戰而沒遺子書云父老

欽定四庫全書

卷四十六

矣食君之祿繼之以死雖死猶生也總制上其事
為立廟所著書凡三十卷子宦廣皆為從事郎

廖居仕

將樂人由鄉舉任曲江尉海寇執之罵不屈
立刃數人遂遇害詔封韶陽郡守諡文忠

廖明哲

字元甫將樂人文天祥開府南劍校明哲督府
架閣監軍出江西收復萬安尋復龍泉又躬入

野坡連結諸寨拒元兵被執不屈而死文天祥集杜
詩以哀之曰諸生舊短褐張目視冠隲高義依然在
白骨更何憂

元

吳文讓

字遜齋將樂人為龍溪縣尹至正十年漳寇李
至甫叛文讓散儲帑募義兵擊之賊勢方熾兵

力不振力戰而死
賜諡毅愍

陳君用

字子才南平人少負氣汀寇騷動君用集壯士保鄉里至正末紅巾賊入閩閩閫授以南平尹

給錢募兵復散家財以繼之克復浦城建陽等縣累官權同知副都元帥引兵至連江與賊戰而死追封

諡忠毅

張昇

字伯起順昌人八歲能誦五經以詩名九歲膺薦赴省省臣以神童聞於朝年十二除秘書省正字

累官江西等處儒學提舉階奉議大夫至正末陳友諒陷豫章索昇所署印昇歎曰吾幼被國恩今年幾七十可達義苟生耶遂投印井中不食死

徐賜

字天錫順昌人為汀州路掾吏屬武平縣有僧殺人生逮賜承檄拘束僧立庭下屏左右詰之忽一

僧錯愕失次鞠之果殺人者衆獲釋遷建寧巡檢陞寧德主簿是歲歲賣官鹽驗丁取直常課增十之五

歲久弊生鹽積不給民貧無以輸直公私交病賜
白部使者為減常額民德之以延平路推官致仕

明

陳山

字汝靜沙縣人洪武癸酉舉人永樂初授奉化教諭召修永樂大典推吏科給事中留掌六科侍皇

太孫講讀宣德元年陞戶部尚書謹身殿大學士嘗
隆馬傷足宣宗親調藥酒賜之及征漢庶人命山留
守九年乞休卒年七十
有詩集奏議藏於家

李文殊

字崇禮將樂人永樂四年以楷書薦授兵科給事中左遷榮河縣丞洪熙中累遷知廣信府正

統間尤溪寇圍縣文殊年七十五力贊守之城賴以
全又奏減一縣糧差以甦民困及分沙尤二縣之半
立永安縣設官軍守之
制可其奏年九十二卒

蕭原

字本初順昌人永樂四年應貢入都授廣西道御史彈劾不避彊禦為忌者所擠謫交趾新安推官

單騎之任屬交趾
叛迫降不屈死之

葉宜

字守義南平人永樂壬辰進士除銅仁府同知推戶部郎中遷知衛輝府陞浙江叅政致仕宜在衛

輝時蝗為民害齋沐禱城隍後數日羣鳥飛食之蝗盡鳥死宜出米與民盡收死鳥穿大穴封墓為文以

祭號曰
鳥塚

廖文昌

字克盛沙縣人永樂丁酉舉人授行人轉御史巡按兩廣擊奸翼善綽有風裁致仕歸鄒寇破

縣執文昌昇之羅拜推以為帥文昌大罵曰吾朝廷執法吏豈從鼠輩反耶遂被害

上官儀

字必達沙縣人貧甚往役於縣縣命征賦賦通繫獄見飛鳩闕而下墜題詩於圍戶尹視獄奇

之使再和隨聲而應尹資之讀書入邑庠畫錢於讀書之壁曰他日寸進決不為逸也踰三年登永樂辛丑進士授咸寧知縣三載擢知州寧民扶耜老穉泣告當道願再借冠當道聞於朝以州復署縣事六年改任
滄州

陳宗順

沙縣人洪熙中知廣東長樂縣導民以忠信禮義冠婚喪祭備用古典久之耻讓成俗囹圄幾

空三載
卒於官

陳勝通

字文達沙縣人宣德三年貢士授大理評事清慎明恕一時卿佐咸稱譽之陞湖廣按察僉事

行部所至風節凜然景泰元年湖口十八洞寇發勝通承檄撫鎮之寇息民安卒於官

吳毅

字仲剛南平人以歲貢入太學宣德間授戶部主事嘗督儲浙江有遺之鮮衣四襲毅對使者服畢

曰拜賜矣
遂以還之

溫儀

字仲威特樂人正統戊午舉人除溫州府推官平陽業八反儀率土兵攻破之還所俘平民男女百

八十餘人既而泰順徐懷恩復叛儀直搗巢穴擒懷恩并其黨二十餘人賊遂平

黃琛

字廷獻特樂人正統己未進士除戶部主事歷郎中奉詔賑濟淮北全活者萬數擢江西左叅政轉

左布政會峒寇朱紹剛叛琛掩其不備直搗巢穴餘黨悉平以憂去起浙藩尋陞南戶部侍郎巡撫四川

考察官吏問民

疾苦乞歸卒

陳綸

字孔經南平人景泰庚午舉人成化初授知新興縣時流寇充斥所司屢招不服巡撫總兵統大軍

欲進屠之綸請緩師詣壘撫諭皆稽首降誅其渠魁所活萬計

陳侃

字邦直沙縣人景泰三年貢士授潮州推官築雲步堤以障海濡時颶風大作海水奔駛壞堤數百

里民居墊溺侃沉鐵以殺水勢
然後漸施人力功成民德之

張榮

字顯仁南平人景泰間入太學成化五年授星子令時民多流竄巡撫夏時正檄有司招徠之榮括

邑閒田招流民耕藝諭富民助之牛種
民復業者百餘戶遭江西理問致仕

劉璋

字廷信南平人天順丁丑進士授戶部主事遷本部郎中歷山東叅政歲歉且疫璋竭力賑卹之轉

浙江右布政使歲計欠米二十二萬石軍儲停支皆
欽棄伍璋設法補足歲計外尚餘六萬石成化二十

年巡撫鳳陽明年改鄖陽值旱蝗璋入境雨隨注蝗
投水死改撫四川奉勅省刑遷南京禮部尚書七年

召為工部尚書弘治九年以老乞休加
太子少保馳驛歸年八十三卒賜祭葬

余恭

字克讓順昌人天順間貢生知來賓縣泰寧侯征東以犄犒村民曾為流賊欲進勦恭以十口保之

總戎從其請使恭招來皆內附後有他賊侵境聞之皆歛刃而過都御史韓雍征大藤峽檄恭從征多斬獲功及致政歸犄犒遣子弟護送出險泣辭而去

羅明

字文明南平人成化丙戌進士授河南道監察御史奉勅清理浙江鹽法巡按兩廣適有內批命鎮

守少監黃泌貢珍禽異鳥明奏止之遷陝西按察司副使撫治漢中奏立白河縣歲旱條救荒十二事多見施行擢雲南左布政使巡撫甘肅首奏罷貢獻以息橫斂禁以俗樂祭先聖命所司講求制度樂舞器服一如古禮邇方始知有雅樂弘治己酉卒

吳珙

字廷瑞南平人成化壬辰進士知臨淮邑為黃河水濟民遭墊溺珙至請於巡方調軍夫萬六千餘

人開濬積水又增築東西二壩以防之補龍泉縣陞戶部主事以病歸

廖中

字用中順昌人成化乙未進士授刑部主事轉員外嘗出賑荒臨洮濟南兗州各郡活者萬數陞山

東按察副使初尚書林俊以疏劾僧繼曉繫獄舉朝無敢往來者中日往視且令其弟供事不絕中卒俊為志墓有山水人琴之歎

余泰

將樂人成化庚子舉人知興寧縣俗尚攻訐泰至立祠祀宋縣令顏袞等率父老拜謁民始知義諸

生薛緒王天與被誣久繫泰申釋其冤尋乞休歸卒年七十二著有春菴集

曾侗

字良中沙縣人成化癸卯舉人為梧州推官法律嚴明獄訟不冤犴狴亂深入其穴招降之陞象州

知州丁內艱復補綿州流賊入境設奇兵出擊賊遁去尋致仕

謝臻

字志道沙縣人弘治壬子舉人授武寧知縣劇寇羅萬陽亂臻陰結其黨率死士夾攻之剽其穴復

補武陵摧松

江府通判

蕭崐

字叔岡將樂人正德丁卯舉人嘗從蔡清受易授淳安教諭尋補績溪已卯聘分粵闢途次為逆濠

所執欲降之崐慷慨言曰殿下違祖訓干天命復欲戮義士乎不屈死

胡瓊

字國華南平人正德辛未進士知慈谿縣三年入試御史以疾歸尋起巡按貴州後以議大禮廷杖

卒有九峰稿奏議若干卷

黃焯

字子昭南平人正德甲戌進士由南禮部主事歷遷永州知府禁永人親歿破產飯僧之俗時用兵

討九溪蠻焯取郡鹽引錢貯庫供餉民賦漸紓遂為式又置舜塚祀田建濂溪祠闢東山書院聚文學子

弟教之官終
湖廣左叅政

鄭慶雲

字舜祥南平人正德甲戌進士知蒲山南昌二縣入為禮科給事中世宗即位首劾中官楊琳

及留守大臣不職者會議
大禮與時宰不合引疾歸

陳紳

字文佩南平人正德己卯舉人知寧遠縣地界西粵雜以苗民紳至以逆順禍福曉譬諸長老酋魁

民以安謐尋改廣州府
教授值母喪哀慟卒

游居敬

字行簡南平人父倫為睢寧令有惠政居敬登嘉靖壬辰進士選庶吉士改授監察御史巡視

蘆溝按商人匿稅語侵司農司農憚之巡按應天劾偽學捕奸黨出徵民之久滯疑獄者出為浙江按察司僉事歷湖廣廣東叅政浙江按察使左右布政使時倭人猖獗調主客兵數萬計庫無羨贏居敬咄嗟

辦之議者欲鍊土著汰客兵兵當關而謀督撫無策
居敬前諭之皆解散丁外艱歸起授都察院副都御
史巡撫雲南鎮守沐朝弼故恣橫居敬裁以分義而
歸其所侵騰越州莊田會東州蠻酋阿堂亂侵羅雄
州逼會城居敬疏請聯川貴兵誅之旨令巡撫勘明
具奏居敬因屢招阿堂不服乃出不意督土漢兵進
勒阿堂窘急自刎死三省遂定沐朝弼故卿居敬言
於巡方王大臣以不俟朝命會勘輒興兵疏劾居敬
坐建杖論戍碣石穆宗即位赦歸廷臣交章訟居敬
召起南刑部右侍郎尋轉左高拱再相欲甘心徐階
凡見彈劾者一網去之居敬語其所善同官曰相君
必不忘華亭計所嘗抵牾特斤斤耳孰與姑舍是一
心謀宗社乎拱聞之族其門生以年老論居敬居敬
方上三疏一言中貴擅權一言時宰作威福一言羅
從彥李侗宜從祀拱以中旨摘其奏詞繁稱罰俸三
月遂乞歸卒生平衣纈食糲一席十年漆枕櫛匣尚

青衿時物歿後詣
子育不能舉火者

林騰蛟

字士才永安人嘉靖丁未進士知新會邑賊謝大用倚長潭盜何貳輩為聲援肆劫里中騰蛟

以計平之擢監察御史時三殿燬朝廷欲新之財用方絀命督南直隸江西湖廣各道負騰蛟疏曰是皆已焚之林已竭之澤田漁其間所獲甚微傷生實大世宗可其奏出按廣東劾奏部吏罷數人復被命按江西墨吏望風解綬去當路畏其言改河南按察僉事條奏伊王不法數十事世宗遠給事中按驗之與王置對同官大率持兩端騰蛟大言詆數之獄未具而卒臨終命其子曰必結竟伊罪而後殮之及王免為庶人其子乃以柩還人謂其以尸置對還柩之日河洛汝潁民送出境者千餘人立祠廟或壘土作壇之祀

揭鴻

字于漸將樂人嘉靖己酉應天舉人知兵法短小精銳舞槩如飛初判潮州署海陽兩勦蘆清神山

溝及石帆倭寇前殺斬級奪男婦六百餘人南洋賊王若魯擁衆萬餘焚劫逼城鴻單騎撫諭探虛實領兵力戰生擒賊首并其餘黨五百人救被擄者三千人轉連州守致仕年八十餘卒

楊大韶

字子舜將樂人嘉靖己酉舉人初令唐山再補武緣八寨叛種韋豹等分據為梗大韶單騎入

寨諭以威德遂降之監軍霍與瑕曰楊君膽畧可當萬夫

吳思立

字叔禮南平人以貢授茂名縣教諭以師道自任茂舊無文廟思立請建之尋陞國子典籍

出宰大埔有墟坑看牛坪三賊巢世為潮害諭以思信賊陽服陰叛庶知其狀乃相機搗巢不煩甲兵賊黨悉平潮民勒石頌德

陳源湛

字醴泉永安人領萬厯癸酉南闈鄉薦授和平令巨寇江月照葉英亂源湛計殲之及叙功有

蔽之者授高州判改涪州乞歸
手開一洞顏曰桃源讀書其中

余化淳

字元卿將樂人萬厯庚子舉人授福清縣教諭
擢知儋州黎人出沒縱橫化淳鍊兵扼險緝勾

引者置之法民乃安堵陞惠州同知卒常例千金清
占田千畝海寇猖獗獲其渠魁餘黨悉平補潮州同
知烏鎮私鹽羣盜接應化淳多方嚴緝
獲沈三葉大等正法害始除以病歸

陳國禎

號調梅南平人萬厯庚子舉人歷長寧令值山
寇陳萬鍾等據九連山朝命三省會勦不下國

禎率鄉勇計搗其穴斬級七百賊奔
潰擢戶部主事權稅蕪湖致仕歸

謝君惠

將樂人萬厯庚子舉人知懷集縣常捐俸築陂
溉民田數千畝擢光祿署正轉刑部郎魏瑞擅

栢君惠持正不阿劾田嗣耕等罪爾州以賄求免君惠堅絕之轉知梧州府擢長蘆運使

徐尚卿

字師臣南平人萬厯戊午舉人崇禎丁丑守劍州甫蒞任獻寇突至尚卿謀守禦兵僅五十有

奇賊渡河破昭化請援不至尚卿以監庫諸重務分屬領之繫印左肘曰此君命也存亡與共親登陴督士民守禦矢石俱盡城陷乃北面再拜曰臣力竭矣以血書襟帶云派城不可守仗節死君恩鼠竄豈無計殊羞余影存經死於東門城樓賊入戒勿毀其衣冠贈朝列大夫四川布政司左叅議廕一子崇祀名宦鄉賢

廖文陞

將樂人以恩貢判惠州曾有旨勦陳萬鍾凌秀二寇督撫以轉餉屬文陞兵未集而寇至文陞

密趣鄉勇夜炊直搗賊營斬獲無算視策興寧長樂多安輯功當時叙為同事者所抑病卒

賴聖謨

永安人天啟甲子舉人知唐縣寇萬餘自蠡縣入所經輒慘戮聖謨集家僮十餘口積薪解門

囑縣尉有急即大之召義勇扼於隘口却之俘其渠克

羅明祖

字宣明永安人崇禎辛未進士授華亭令下車力革積弊不畏強禦以憂歸補繁昌令坐築城

註誤謫越藩署蕭山令又以不屈為中官所擠調襄陽時獻寇流毒楚蜀間朝廷遣監軍中使領禁旅十萬協勦將驕兵淫民不堪命明祖請禁於提督熊文燦不聽繼上書閣部楊嗣昌竟罷歸疾卒所著詩文全集三十卷及評書百卷行世

國朝

鄒儀周

字西齋南平人順治戊子舉人知丹徒縣清白明敏遇事敢言士民勒石焦山有一江明月兩

袖清風之語後致仕歸甲寅秋
變被拘下獄堅志不從嘔血卒

林鐘

字仲呂南平人順治戊子拔貢知靖安縣邑盜起
鐘力為守禦身入賊營諭以禍福留宿營中賊感

悟就撫當事上其功加級褒獎年七十致仕歸所著有哦松集歸園集

嚴自泰

字去驕尤溪人順治壬辰進士初為亳州牧府
歷中外所至有聲尋致仕歸里歲乙卯耿逆招

授以職不屈繫獄及王師入閩始出卒年八十

鄧可權

字仲達沙縣人順治乙未進士丙申寇犯沙邑
有議欲金求和者可權謂今日我財有盡彼欲

無厭藉寇金而齎盜糧非計也乃與邑令日夜修戰
守具寇遁城賴以全後授荔浦縣未抵任而歸卒生
平肆力經史為文膾炙人口著有四書徵古學彙纂等書行世祀鄉賢祠

羅南星


字柳次永安人康熙壬子選貢授山東棲霞縣邑舊解牛角弓面歲費三百金南星多方措解

不以累民東南山下有殺人而棄其屍者地界三邑吏以事無主名無從勘訊宜以分界為解南星慨然曰民猶子也被殺而賊不得父母忍坐視耶親往驗訊訪其甲乙鞠實論報冤得白以薦遭山西朔州收川徵額萬兩有奇半徵米豆草求民遠輸四百里至右衛交兌費至三倍又必如例起運鄉民有守候之苦橐橐因以包運為利南星稔知其弊定零運之法歲省費以數千計康熙丙子王師西討奉調往湖澠河所收貯運送大兵糧草又押送上供車輛自神木縣抵宣府往還七閱月殫心盡瘁供需無缺以母老乞歸養年七十七卒

廖騰烽

字占五號蓮山將樂人康熙己酉舉人初令休寧永樂自守斷決無滯俗多以人命誣陷株累

者執破產騰塏痛懲其弊刁風始息庚午荒卿試同
考官所薦拔稱得人擢浙江道監察御史厯左右通
政光祿正卿乙酉典試江南得人尤或擢奉天府尹
宣布朝廷威德遠近翕然遷都察院右副都御史奉
命鞫獄福州遷戶部侍郎又奉命往山東祭
告齋兵所至勤恪盡職以老乞歸卒年七十有六



福建通志卷四十六